



選讀齋詩稿卷四

乙卯

三和韓

對桂於著

借書圖為吳枚菴題

好書讀難盡秘笈空人間除此我何癖借來人不慳白雲  
在幽洞黃葉響秋山想像孤吟客蓬蒿日掩關

蔣錫英伯出其先人香谷居士竹裏茶煙遺照屬題  
成古詩一章

眷眷寸草心依依慈竹暉慈竹瘁有日寸草悲無時悠然  
蒲團上跌坐一沙彌中有不盡意茶煙颺輕絲寧知廿年  
後復有思親兒展卷三歎息儀容忽在茲誰謂苦茗苦味  
久如甘醅誰謂寒泉寒時至回春熙勗哉紹清芬宅相我  
所期不見新綠籜千尋與雲齊

卷四

星沙節廨東偏有園十畝虞山相國榜曰又一村歲  
久荒蕪中丞杜蘅夫子葺而新之亭榭簡樸圃地寬  
廣栽植蔬果于以課陰晴占豐歉意不在遊觀也中  
丞館予其中而屬系以詩八首

十畝田園好一村煙景賒閒攀老農圃倚杖話桑麻  
右又一村

蒲葉既茸長杏花亦榮滋空亭日延佇心事鳴鳩知  
右問雨亭

朋酒躋公堂曰惟介眉壽莫辭盡一觥父老意良厚  
右介壽堂

雜植兼菽麥小築面場圃要知盤中餐粒粒皆辛苦  
右藝育山房

我讀豐山記，滁人樂歲豐。誰知千載後，復見歐陽公。

右豐樂亭

活活源頭水，連筒灌滿園。平泉閒草木，沾灑盡知恩。

右學灌軒

小閣竟頽挫，曠懷良若斯。不須更標榜，清德畏人知。

右雙清閣

今廢

矗立三間屋，平蕪千里情。謝公憑眺處，不免為蒼生。

右求莫樓

上元後一日，將自湘還。吳咏懷五百字，呈杜薊夫子。  
針芥非妄投，葵日有專向。矧茲血氣倫，可以物理況。猗歟  
我夫子，栽栽斗山望。見知兒童時，叨隨諸父行。亦越通籍  
初，師事得郢匠。秋官繫民命，豈曰法律尚。權衡晰疑，似毫

卷四

二

髮歸允當，要使肅殺功。默與陽和相，竊嘗窺緒餘。臨牘輒  
依傍，居然荷許可。微名屢提唱，十年侍丹筆。五度陪節幢，  
崎嶇太行山。掀騰滹沱浪，貪墨吏必誅。覆盆囚可放。  
謂交河代

州二

拔茅自公門，剖竹拜

天仗，祛分東魯塵。騎觸南交瘴。

對之任嶺南會公奉北還遇于齊河即次

匆使

別言

帝心厓東南，衡湘賴保障。皜如秋日懸，煦若春風颺。軌物  
黜官邪，痼瘵見民狀。人知雨露濡，公豈冰淵忘。翼翼矢小  
心，凜凜嚴大防。夫惟咨

主知不必求人諒。

對

也。職守乖投劾，虛祿養延禍。及慈幃

旅櫬待吳榜，翩然信使至。惠言亦無恙，高情薄雲天。麥舟  
助歸葬，楊朱泣路歧。終昧得與喪，蹇驢秦棧中。片席楚江

上執手黯無言驚喜雜悲慘咸除風雪餘高館劇幽曠錦  
裘覆我身肴核日相餉淹留過百日情味舒以暢間從諸  
郎後請益不相讓指車出昏迷撥霧見朝亮豈無芹曝獻  
欲以芻蕘貺鏗鉤黃鐘奏乃以蓬為撞茫茫瀛海波乃以  
蠡為量斗胆發狂瞽淵懷恕愚戇世風日囂競楚俗恣欺  
誑風移化斯馳弊別事若翔三年其有成實效非虛妄述  
職在杪春

闕廷載瞻仰

中朝虛前席察察惜祖帳未能隨後車而反動歸舫花燈  
明離筵柏葉倒春釀解囊贈我行恩重如挾纊睽違即長  
道鬱結氣不降終期白雲亭索筆備顧訪誓願由恫欵別  
淚出腑臟衡峯七十二湖水浩瀼瀼何以達寸心南風回

五兩

網魚歌

洞庭湖中多漁船漁船乃以魚為田截流一網千鱗牽長  
竿短叉久棄捐船頭閣閣柳亂擊衆船聯翩鴉陣集一船  
繞匝鶯梭織盡驅湖魚入網來魚多網重舉不得小魚半  
生死大魚作人立網得大魚小魚擲歡呼聲以柳為節長  
風怒號雲墨色靈蚌無光老蛟泣金盤玉繪空紛綸投箸  
停盃不能喫吁嗟乎吾聞洞庭之水三萬六千頃跳躑波  
濤亦云幸並無貪餌心不虞卒見窘故園池中金鯽魚淺  
水泳游樂自如

登岳陽樓醉歌

洞庭春色為誰至昨日晦冥今日霽不見朱軒繡栢照城

頭而我不登殊負仙靈意憑欄曠望何所見萬里微茫但  
一氣層層高浪駕長空葉葉征帆亂天際九疑雲接蒼梧  
煙白萍綠芷空芊緜重瞳一去迷歸年英皇血淚何時乾  
不如醉倒樓之巔浣花無人謫仙死袞袞羣公孰繼起我  
欲手拔鯨牙脚踏龍尾飄飄凌紫霞捕逐大荒裏玉樓金  
闕可望不可攀二公精靈竟何是手持一杯酒醉呼回道  
人世間萬事殊恍惚不若酒中之味旨且真安得湖波盡  
變為玉醇一日滿斟三百巡登樓爛醉忘其身笑殺邯鄲  
枕上徒苦辛

舟次嘉魚觀龍燈紀事

燭龍銜燭燄熬天照耀萬里來蜿蜒一龍乍啟地中蟄一  
龍猶貪淵底眠二龍見首不見尾神光離合已在田須臾

卷四

四

火珠半空落四龍會合爭來攫波瀾掀騰山岳搖爪鬣紛  
拏鱗甲錯珠如將迎必故拒龍如將吞歛復吐燿如后羿  
落九烏燦如羣仙羽衣舞誰歟劈紙飛竹爆霹靂聲駢雷  
蛇照喧聞莫辨金鼓催咫尺但愁風雨到觀者愕眙疑真  
龍豈知簸弄由人功變化在心應在手四十四人一人同  
每一龍用十人舉之狂夫倚醉坐船頭夜深霜重添做裘潤色太  
平有如此客心底事多煩憂去年荆豫苦淫潦萬落千村  
隨浩淼冬寒稍喜瑞雪作天意或遣窮黎飽龍兮龍兮歸  
去好

武昌遲方梧桃不至舟子以風利趣行以詩報之

仙侶招要楚江渡惱斷春風惹嬌妬我如大江日夜流君  
如黃鶴去復顧黃鶴樓頭不見君大江漫漫多白雲春風

無情只顛狂榜人呼噪蒲帆張知君到日添惆悵芳草晴  
川枉斷腸

舟中同望溪兄夜話

從伯以安令恩施歿于官兄奉母寄居鄂城

小泊話連床愁深九曲腸百年風燭懼八口硯田荒薄官  
無遺業浮家總異鄉如何嶺南客不念倚閭望

仲兄久客粵中不歸

送族姪家裘春試北上

吾宗後來秀門第爾富之行橐且從遊公車不可遲奮飛  
貧亦好辛苦瘦能支內顧無他慮依依祖母慈

自武昌餞風至黃岡作

昨日江豚拜江面飛廉橫空截江戰郢客貪程慣餞風使  
船如掌帆如扇左之右之無不宜受以敵傾妙旋轉飄忽  
霜臯下健鷹輕斜繡幕剪嬌燕回頭已失黃鵠磯却到黃

卷四

五

岡未午飯我喚舟人且少休逆天而行天或厭豈無詭遇  
獲十禽籠我馳驅坐工賤要之退步有夷塗終見跛邪墮  
坑塹平生未識巧便門每以鈍頑受神眷况今身世付虛  
舟去何所求住何怨待時而動莫漫忙會看扶搖羊角變  
明朝風正好帆懸赤鼻盤龍眼中見

赤壁州黃

赤壁三分定黃州兩賦傳

赤壁凡五惟江夏之說合于史坡公兩賦斷在黃州賦中亦指

為吳魏塵兵處恐是附會舳艫總灰劫風月自神仙鶴破臨壘夢烏啼  
樊口煙寂寥千載後我亦泛江船

夜宿黃石港

江行無常程及此日欲晡泊舟黃石港暝色生煙蕪洲渚  
乍明滅林巒亦糝糊入夜更幽絕影抱寒燈孤窺舟如有

人長風搖菰蘆攬衣起愁坐鬢葉吹鳴鳴

道士伏

大江中橫截一山  
俯伏如道士故名

何年僵蒼龍化為伏道士得非臨臯鶴鍊形來到此再拜  
朝帝庭萬古鞭不起喬松挺其冠芝草絆其履無復方壺  
遊竟作中流砥大江忽一束雷轉坤輿徙君看絕壁上簞  
眼攢千指

江晚即目二首

波平風軟半帆偏山外斜光樹杪煙前路不知村遠近一  
雙野鴨傍人眠

野老柴門貼岸偏白沙翠竹起寒煙萋萋滿地魚初上鬢  
篋一聲人未眠

泊琵琶亭

卷四

六

昔讀琵琶行今躡潯陽郭妙曲何寂寥荒亭終假託滔滔  
大江水渺渺匡廬嶠芳草生渡頭斜暉抱城脚擁棹月澄  
江天涯亦淪落

次彭澤縣

停午風色低緩帆漾澄碧不覺路已遙隱隱見彭澤桑榆  
岸上村煙火蘆中客荒城無百里高下露巖隙誰無田園  
好肯以斗米易養素良獨難冥懷在古昔

小孤山

大孤螺髻巧小孤蛾眉青何年飛墮雙娉婷新妝曉鏡聳  
亭亭我辭潯陽郡遙望彭蠡湖大孤不見見小孤小姑嫁  
得彭郎無雲牕霧閣殊恍惚珠璫翠羽空糝糊舟人相戒  
莫輕侮狂言褻語姑或怒帆迴柁轉香火收猶聽驚濤作

神語

舟中望廬山

廬山秀削出南斗雲錦屏張疊九阜我從潯陽江上行只許腰肢看背後五老連天杳難求石梁倒挂亦烏有闐然但見雙劍尖霜鏗雄雌倚天陡香爐煙散凸青空鼎峙千年配竒偶其餘諸峯莫名狀兒孫羅列紛妍醜李白平生最好竒廬山之謠傳不朽惜我未親真面目彷彿一二遺八九有如執贄謁大賢乍挹風采旋却走又如讀書窺姚姒欲問津涯箝啣口舟人為言君莫歎為君天特開軒牖噴雲泄霧無時無往往重嵐閉昏黜海市不拒東坡翁祝融會憫潮陽守天吳山鬼信有知忠佞豈真辨誰某年來行跡任轉蓬遍覽名山真不負東走秦岱中嵩陽華嶽西來南岫屨不須更踏青雲梯飽眼經過幸良厚尚餘清夢繞天台芒鞋竹杖倘能否

卷四

七

皖江月夜懷蔣七湛華明府

江月隨客來落帆月當中清輝渺無極萬里天浮空故人飛鳧鳥幾年宰安豐所願慰離別誰知復西東詠思不成寐繁霜盈孤篷

臬磯

靈旗風捲怒濤飛碧化千秋望帝歸休道長江限南北漢家尺土只危磯

二月十七日舟中對雪

漫天三日霧劈岸五更風風定寒逾甚不知雪滿篷煙花半春月城市白雲中猶有寒江釣蕭然蓑笠翁

次東壩二首

東壩壩頭柳眼青，輕裝換得小蜻蜓。一聲子夜啼殘夢，猶是出門時節聽。

兩岸吳音一半強，翻因家近覺途長。樓前乾鵲應相報，歸客今朝入故鄉。

荆溪二首

時家大人主講蜀山書院歸舟繞道荆溪適先一日到賦此誌喜

遠遊背明訓，色養違經年。好風吹遊子，喜見銅官尖。竊喜復竊慮，寸心反茫然。見面知不遠，願得一日先。阿翁倚門立，笑指津口船。邂逅愜初心，再拜依鄰前。風濤涉萬里，一身今幸全。

荆溪好山水，講堂占餘清。及門二三子，道洽情自親。况有賢主人，知我來趨庭。勞問未云已，洗盞酌復傾。淹留越兩宿，巖命催歸旌。弱弟不離膝，奔走愧爾兄。挂帆泝汧洌，眷戀難為情。

迎秀閣次 家大人韻

萬里歸來飽壯觀，等閒風物又憑欄。千艘自逐孤雲遠，雙沈平分一鏡寒。直欲支笻尋玉女，暫時拄笏對銅官。分明高揖含清閣，常使溪山畫裏看。

含清閣即蜀山書院後樓與迎秀閣相拱揖

宿澣墅關

細雨歸舟夜色淒，中星橋畔澣關西。相思只欠今宵債，偏是黃雞不肯啼。

題畫蘭為丁玉亭

我從沅湘歸，采采香盈袖。披圖拂清芬，如與騷人遊。能傳空谷心，不作當門秀。孤花抱幽石，靈運忘言并忘臭。

題黃蒼雅印譜後

我從衡陽歸穹碑捫岫樓樞榻七八本欲讀不能語漫漶  
蝌蚪文疑義等帝虎吁嗟識字難黃君實好古六體試學  
童繆篆纘遺緒手鏤彙一編攻苦累寒暑剞劂摩銅盤鈎  
勒訪石鼓粵稽二百年此道盛吾土三橋風擅長云美繼  
踵武充其所得力籀斯互賓主琢磨劇精專藝如脩月戶  
昨朝一披讀晴窓走風雨

遊寄暢園

即惠山  
秦氏園

九龍山下白雲居策杖招尋此地初喬木百年生晝暝殘  
花一塢殿春餘竹間樓並巖巒起水底天開洞戶虛幾度  
宸遊輝墨寶至今父老待

鑿輿

次京口

卷四

九

地險真強弩今來似畫圖亂山迴北固一水鎖勾吳塔影  
遠猶見江光近欲無煙波接瓜步指點古城蕪

和嚴棣華登金山寺用壁間韻詩

羨爾凌雲去能參無上禪中天懸日月萬里瞰風煙占盡  
人間福分嘗水底泉寧知塵網客蓬脚只貪眠

平山堂次棣華韻

樓臺近水水黏天十里笙歌放畫船偏愛篠園花萬朵玉  
盤盃是玉堂仙

清江浦別外舅後示內

眷戀情何極途分淚未乾牖流終夜急戍角五更闌自昔  
離家易中年覺子難食貧君已慣所願一枝花安

漂母祠

晚泊淮陰驛蒼茫落日昏  
荒江祀漂母春草憶王孫  
多事千金報何心一飯恩  
平生負知己觸我淚潸吞

寄酬熊謙山廉使題贈二嶽吟草兼送入都之作次韻二首

泣路楊朱足不前  
綈袍高義薄雲天  
細吟蛩咽孤根草浪迹鷗  
隨萬里船上客機雲慚  
顧遇對兄弟皆在幕中通門孔李感

困緣為公緩理胥江柁無那心依北斗懸

駒隙流光十八年雲亭前輩騎叨聯對自戊戌入秋曹識公于今十八年矣

人間生佛不常有筆底陽春何處傳  
舊雨夢縈鷓鴣序新愁讀廢蓼莪篇  
差同中道酬嚴鄭回首家山落照偏

次和金向高公子北上省親留別諸弟之作尊人任光祿寺

典簿名孝  
繼嘉禾人

卷四

十

天遣蓬窓十日留歡然傾蓋得吾儔  
交如醇酒無何飲詩似春波自在流  
覓句偶縈池草夢趨庭喜及桂宮秋  
遙知膝上看文度雛鳳聲清足散愁

同嚴棣華顧執齋舟中聯句二首

半里征程半日期桂

帝城彌望到何時蓬牕有客敲碁子執柳岸誰家曳酒旗  
得去固佳留不惡棣履夷若彼險如斯謝公雅量頗驚衆

放棹中流且賦詩執

一舸琴書并婢奴棣三竿晷影上檣烏遣懷勝地花千朵

刮眼長堤柳數株僻句無題還自賞執仙舟有侶不愁

孤最憐黃犬垂頭睡桂任客經過嬾向呼棣

向來關上口占二絕句

水聲入語聽難真，利鎖名牽亦苦辛。且向柳陰深處坐，誰知原是局中人。

舊路茫茫認未真，中流一度一酸辛。平生我亦爭先著，冷眼看過合讓人。

舟中酬內三首

一家生事水牕依，却語并州斲當歸。長日不愁人易倦，開箱自製小奴衣。  
風緩帆低自在行，讀書聲和剪刀聲。停針掩卷一閒望，茅屋數家烟自生。

鄰舟鶩鴨賊如土，水市魚鰕多似蠶。更愛菱塘三百頃，依稀殘夢到江南。

將次魚天贈 臺縣

見梨花一株用樂天韻

點點繁星片片雲，風塵刮目忽逢君。却愁蝶夢匆匆化，無計留將白練裙。

泗水亭

泗水流日夜荒亭，卧薜蘿大風何處起雲氣。至今多鬼母草間，淚重瞳帳下歌早知無土。王轉鬪欲如何。

古南池謁杜少陵祠次壁間韻

我懷杜夫子遺跡，任城留蘋藻。千年祀菰蒲，五月秋人誰繼風雅。公獨抱離憂，寂寂南池水。應同萬古流。

味息次南旺口占

到此分明歧路傍，懷親戀闕兩茫茫。龍神特破離人淚，半向家鄉半

帝鄉

傷瓶荷

彼澤有蒹菻盈盈絕世姿岸傍誰家兒采采方盛時麗質  
別寒水穠華挿軍持豈不盛光寵開拆分離披所嗟美先  
盡安能守故池

蛛絲合

乙卯七夕禮  
王府中作

玉階金線罷拈時特向靈蛛乞巧思萬字網牽經歲夢九  
迴腸結兩心知袖中離合憑人願腹裏經綸任爾施夜半  
枉勞賜釵鈿綿綿此恨更何期

賦得夜涼疑有雨

不盡蕭蕭意無端峭峭寒非緣秋雨至底事客衾單遮莫  
青銅滴分明翠竹彈風多聽易雜月黑辨尤難側耳中宵

卷四

十一

坐披衣待曉看暗侵燈影墮冷和角聲殘仔細苔三徑糝  
糊露一團寒帷聊徙倚始覺曙星闌

哭畢補垣表兄四首

任開化丞今年四月十  
四日失足墮衢州江死

傳聞恟恍費嗟呀一紙書來淚眼花

先得家信  
先有傳聞

太白清狂

孰弄月靈均憔悴賦懷沙珠璣好白猶人口夢幻浮生付

水涯還讀齋中忍更坐墨痕新濕尚如鴉

京邸還讀齋額  
兄十年前手筆

也

戚黨羣占宅相紫鴈行童隊早知名琴樽槐市嬉長日風

雨茅菴共短檠

髮年會文  
月聲精舍

隨水魚龍天契濶

兄應京兆試  
凡十餘次不

售

悲歌燕趙歲崢嶸由來才大難為用黃綬青袍送此生

折柳春明六載前剎那回首便重泉一江浸月詩成識

前有月浸一  
江煙之句

雙鳥飛鳧尉是僊長夜夢聯春草句

十表弟  
亦雋才

去秋  
先故荒臺魂伴客星躔衢州江近可知健筆凌鸚鵡白玉  
樓頭榜待懸

舊恨新愁涕不禁頻年蹤跡况商參高秋鴻鴈排雲斷白  
日蛟龍跋浪深忍覩椿庭揮老淚劇憐鳳穴振清音梁園  
無限徐陳感珍重遺編千里尋禮王世子寓書吳門徵兄遺稿

### 菸

吟餘飯後費思量入口清芬自在嘗引去入情先茗薜占  
將地利碍耕桑試尋味在酸鹹外未必功收瘴癘鄉瞥眼  
雲霞總灰劫輸他豆蔻與檳榔

### 鼻菸

挈瓶遠逸大洋東一辣夷語謂瓶為辣黃封透輦紅嗜癖先教尋  
鼻祖嘗新或可愈頭風色香認取薰藉外金玉爭誇掌握

中有客無端生急淚須知臭味本難同

卷四

十三

伊墨卿比部枉過清談竟日得詩四章索和

杜門枯似壁蝸黏剝啄聲中破黑甜夢去枕痕猶著面容  
來花影正窺簾百年結契盟端石近以端硯一方贈之我輩生涯數

鄴籤但使淹留能竟日腐儒粗糲肯相嫌

萬里歸來一夢中追歡可復往時同紛紛舊侶晨星散謂艾

吟壇敢道氣如虹白雲亭上雲千朵倘許重攀願不空

宣武門前黑板扉森森榆樞翠成圍晚香玉已和泥種夾

竹桃看帶露肥庭前適有二卉三月無官閒亦好一枝有分倦還

飛下鄰下宅尋常事何處并州不是歸時子與墨卿俱有移居之議

未斷年時結習深評書讀盡日初沉生綃摩詰詩堪玩舊

搦文皇帖借臨

案頭王忘菴畫冊舊榻聖教序墨卿把玩不置

名姓漫勞人桂口

頭銜何與我關心狂吟記否榴花下還讀齋中夢許尋

歲同人于還讀齋邸舍分咏石榴忽忽十二年矣

又五 中秋夜遲顧斐菴不至

明月如故人相期忍相負便使期不來願得終夜守

多硯

頗有回天力陽春到硯田能令雙眼活只此一星然爛矣  
雲蒸海溫其玉有烟不須更呵凍生意上毫顛

精製圍爐

坐愛圍爐好相將情話親團圍人似月浩蕩室皆春凍萼

三分破寒瓊陡地新不知牕外雪壓折幾叢筠

五嶺次韻吳少甫學使西川旋役招諸同人讌集四首

卷四

十四

五嶺三川幾夢尋歸來珍重歲寒心糟床纔注便呼客霜

翰不鳴有宿禽白月紫牕波淺淺紅爐照席燄深夜闌

話入鄉園好鄧尉寒香滿素襟

詩派圖成孰主賓不分門戶自為鄰商量覓句酬知己容

易留心到古人敢與羣公爭戟拔索將一笑傍檐巡座中

韻語皆吳語信口拈來擊鉢頻

五架三間卜築偏廠門西去鐵門連歸裝滿載栽眉月結

屋真成書畫船跡類雪泥渾不寔物齊琴策敢求全重來

尺五城南地同聽嚴更禁鼓傳

出處無端亦太奇中年哀樂動人思對牀煖到姜肱被

聽秋兄新時密線悲餘東野詩再鼓桐音曾入爨新描眉樣

來都下可逢時好聯九九消寒約紅遍梅枝作杏枝

次韻陶鳧香甥賀移居三首

安排几格理殘書草草新居即故廬屋為周東屏宗伯故居于廿年前曾寓此儘許比鄰開鵝鴨偶來上客待葵蔬一廛願受官纔定薄值容賒俸尚虛記得階除行步熟苔痕細認廿年初去固無端住亦宜楸枰不定任推移摩挲竹木秋陰靜才于階除書景遲瘴海幾經清夜夢晴窓重檢白雲詩百重堆案紛如葉敢說辛勤答

主知

風光殘臘逐人來散直從容孰與陪學母女憐聰俊意操家妻有度支才檐氷向日消還結瓶萼先春凍半開一事絕無忙不了持箋奴又打門催

丙辰

元旦早朝

鳳闕嵯峨星影搖瞳瞳初日下重霄

御爐香靄籠仙仗

上苑春光洩柳條已見唐虞仍一統即看于羽格三苗楚時

報捷自慚未有涓埃報竊祿居然閱

兩朝

人日杜採溪別駕寄示題城南雅集圖詩次韻却寄

圖仿西園雅集故事今十餘年矣

羣殿風流翰墨緣憑留泥雪世間傳別來顏鬢都非舊閱

盡交遊最憶前老驥長年悲伏櫪斷鴻經歲惜遙天詩題

人日還相寄定對梅花一粲然

喜景柳菴還京

柳菴曾任甘肅令以監糧事論死減戍欽州遇赦放還

萬死能寬海外岷窮荒無夢到歸耕忽聞天上雞竿詔真  
見人間馬角生故國青春娛步履餘年白首杜柴荆叨逢  
聖

聖相承日好譜康衢答太平

題嚴棣華垂釣圖

清江萬古流大釣一竿引釣臺亦雲臺吾將反招隱

春日訪羅山人聘即贈二首

幽興渺何許春隨杖履還室虛惟見白市近亦能聞大隱  
江湖外元機水石間論詩更茗飲許我話重攀

喬松挺竒幹獨鶴揚清音遯世名山業度人古佛心說經

參竺國山人著有問字有雞林坐間有高一揖蓬門外茫

茫入海深止信錄

卷四

元夕卧病東謝何周溪同年

聞說今年盛燈火填街寶馬七香車擁衾客自孤佳節聯  
臂人還念索居良藥辨於多病後素交澹見暫違餘怡園  
風物初閒美滿注糟牀為待余

寄懷家大兄津門二首

春寒方料峭何事又飢驅苦念征裘薄難將大被俱馬蹄  
踏冰瘦劍氣逼天孤砭眼塵沙裏行行丁字沽  
十日愁中過翩然到尺箋自多家室累屢覺主人賢袖有  
凌雲賦囊餘潤筆錢亦知不久別匝月似經年

題鳧香甥西園讀書圖

讀書不求異入山不求深偶携數卷書讀向西山岑西山  
亦何有十里松桂林雲煙自朝暮泉石無古今况借素心

侶把卷日諷吟有得悟獨覺無礙賞同欽遂令城市客即  
之香難尋時有採樵子一聆金石音喟予久荒落邈然起  
遐心

匪華五章章四句送鳧香甥南歸

匪華曷實匪身曷髮念茲厥初爾實我自出

藹藹吉人迢迢晉邦曰歸不歸慨獨念而翁尊人久客山右

培根強榦榮條茂林爰止爰依寔獲我心

龍門之高文鯉斯汨太行之險霜蹄斯蹶

春日杲杲春風其柔送予于郊聊寫我憂

次和孫淵如觀察山左見懷

名姓

天題墨未乾點煙杯水迥生寒得觀海處真竒境能讀書

卷四

七

人是好官魯國諸生門下列嶧山傳刻馬頭看遙知兵衛

森嚴地猶戴我戡子夏冠

題羅度師照

我昔鍾吾頂親見浮邱公丹爐煙沉鶴不控宴坐石室垂  
方瞳弟子侍巾舄問道何從容飯我青精酌我酒看山讀  
畫樓之東一去誤落塵網中皚皚水雪重巖封圖中人兮  
松喬匹杖拂從遊意超越心知內篇口不言與我相逢似  
相識何當揮手凌紫霞隨師直上太清家回頭大笑哀人  
世閒步天壇掃落花

題羅兩峰墨幻圖

哀哉三千大千衆浩浩陰陽等夢夢睡眊何事死不休地  
下忽聞羣鬼鬪腥風卷野陰山搖跳踉彳亍來如潮撥金

吹角嘯徒旅斬木擊竿逞雄梟死人更復出死力步伐居  
然五六七體骸撐住劇可憐毛髮蝟磔身猱懸得非紙錢  
麥飯未饜慾中元寒食爭年年噫嘻乎新安城長平壘六  
十萬人命螻螳碧化千年僵且起孽海茫茫尋世讎稱戈  
格鬪何能已先生潑墨精靈俱燈昏月黑心膽麤窮形不  
怕鬼揶揄願借慧眼照塵世忿然蠻觸無時無

題兩峯遊岱圖

宣尼開眼處杜甫盪胸時竒絕此遊覽先生信有之不波  
瞰初日無字讀殘碑齷齷何為者芒鞋那更疑

杜梅溪書來述正月二十八日夜夢與余遊竹籬茅

舍間梅花甚繁相與痛飲花下既醒作詩二首見寄

蓋感予定對梅花一粲然之句也依韻寄酬

卷四

九

一笑相逢似有期倘能痛飲是吾師多生結習消難盡又  
為梅花索贈詩

垂垂多傍野人家此是東風第一花便欲倒衣還命駕羅  
浮路徑未應賒

題麻姑獻桃畫扇

阿母筵前幾度春蔡經宅畔鎮相親桃開桃熟尋常事枉  
替蓬萊數劫塵

次和阿兩牕都轉寄所作意園詩四章兼呈家孟

東郡一為別十年情黯然多君倒屣意廢我對牀眠

余與兩牕

自齊河會晤別十年矣去歲家大兄為掌記室因重訂忘年交上客容疎放官書省僕緣

肯垂下里聽鳴噪有寒蟬

聞說官園好頗宜澹宕人林泉行處有花月意相親傍海

延帆影規山破黛，放衙無一事終日坐垂綸。

未斷煙霞癖，都緣福慧深。吾儕如放鶴，人世慣焚琴。雅集西園舊，清樽北海今。此中富邱壑，相照只冰心。

忽縞尊鱸夢，吾廬笠澤湖。苦懷林屋洞，空對草堂圖。子家屋洞為子兄弟幼時讀書處今繪圖隨行篋中

幕府傳餐遍，卽曹襟被孤。何年還共讀，趣尚未應殊。

丁巳

春日偕兩牕湘巖蘭畦秋藥，又君墨卿小眉諸同曹。

飲金氏園秋藥有詩次其韻二首

聞說秦源路尚疑，招邀喜踐故人期。細侵竹露花間袂，佇  
荅琴聲石上碁。一桁西山青到榻，半塘春水綠當籬。舊時  
亭館從零落，踈曠真于野性宜。

卷四

七

偏側城南尺五天，壺觴是處得安便。名花買去羞當石，新  
語傳來笑拍肩。風物可憐三月節，夢魂欲上五湖船。百年  
容易逢佳日，莫漫傷春泣杜鵑。

黃文橋上舍自瀋陽來京將返吳門訪予還讀齋夜

話賦贈

端居劇蕭閒，跫然故人至。來從遼海東，萬里一瓊寄。青燈  
照顏色，卽復便相識。咄嗟鬢髮非，晤言重惻惻。緬懷廿載  
前，與子俱少年。短檠坐三更，呶語講堂偏。飛沉意外事，得  
失別後詩。賞心詎在多，感遇良若斯。江南好風景，可憐落  
花時。鳥棲戀故林，魚遊思舊池。銜觴轉懊惱，會合何草草。  
東風散垂楊，目送蘆溝道。

花券 并引

京師買花價倍而不耐久蓋失其養也與蒔花者  
約歲予金若干月致時卉數種過時則還置窖中  
各執一券書貨直及致花之數命曰花券

書契肇軒轅流傳千年後遂令綺羅叢亦污文字垢我無  
移春檻誰共花神守我無占景盤焉保花命壽吁嗟錦洞  
天委棄如敝帚一笑命花師可暫乃可久歲供計酬直月  
致襍妍醜逾期趙璧完先事虞瑞剖本待他山求不殊中  
府取煖香遮冷艷畢竟為誰有袖中尺一箋重之勝瓊玖  
居然大地春談笑落吾手已擬擁香城消寒到九九今年  
復明年取次莫予負

西安吳靜軒太守贈騾東謝

春衢雨滑翻泥塗朱門鞞擊千夫呼兩年踏穿塵十丈從

卷四

十

大夫後不可徒東家蹇驢許借我杜骹髀奈此七尺驅靜  
軒太守憐我足無力千里牽來好頭赤峻耳也矜批竹姿  
高蹄欲矯凌風翼生成毛質異不借珪珙飾廐櫪有輝光  
僮僕亦喜色父驢母馬非常種超越來自脩彌國長鳴似  
戀故主恩惠養願終見汝德郎官奔走無日息笨車如山  
路如棘日暮風塵困箠楚夜長舅豆防掎剋騾兮騾兮不  
忍欺我生與汝性命相扶持况是故人情重之所遺力餘  
莫使盡過小毋輕答聽漏追趨曉嘶急看花蹀躞晚步遲  
聞說西隍息劍鋸脫驂知向華山陽還須料理金匱匝遲  
爾連鑣朝未央

下直讀書

堆案簿書紛似葉放衙吏卒散如雲歸來便作山林想當

暑閒披冰雪文偶有會時聊自喜不求解處欲何云倦還  
拋却醒還讀莫管簾鉤下夕曛

俞貞女詩 并引

貞女無錫人幼字同邑金生未嫁而寡父母守之  
嚴覓死不得自盡女貞花見志尋邁瘵疾以歿哲  
兄東川孝廉為徵詩

猗猗嘉樹不言自芳援琴不成操點筆凝清霜

解一木有仁

兮不二女懷貞兮靡他夫子之不祿兮吁嗟奈何

解二既嫁

許以身未嫁許以心妾心歲寒姿含麩自櫛椽

解三苜蓿不

獨生樸椒會雙死墓門遙相望墓樹成連理

解四華實零落

丹青不渝扶疎蔭閨鬢漆室居

解五誰與操彤管阿兄

才如玉不見陸郎妻特表女貞木

解六楊鐵崖從妹名宜詳陸氏子陸卒誓

卷四

不他適開戶自盡鐵崖表其墓曰女貞

預七夕詞 是歲閏六月

盈盈不見浪翻銀去歲今宵瓜果陳底事黃姑嬾臨鏡停  
針愁煞倚樓人

閏六月九日暴雨初晴休沐竟日顧蓉塘表弟枉過

小酌成二律

赤雲銜日爛蒸霞白汗翻漿睡味賒陡覺簟紋涼似水旋  
看雨脚亂如麻先秋紅綻芭蕉果破曉香肥支子花對此  
正宜從請急溪藤栗尾儘塗鴉

蓬門却掃為誰開親串梵然不速來葉子聲殘醒午夢  
有為葉鵝兒酒熟鬪新醅秋心先到階前雨古意猶存壁  
子戲者上苔他事勿煩相料理吾方拄笏看崔嵬

蓉塘既和復疊韻答之二首

清涼世界樂復樂黑甜滋味賒未賒吳篔簹罷搖湘妃竹中吳製扇近以湘妃竹為之越衫初試多羅麻端雲濃拂袖中石晚玉香

開頭上花最好煙光無多子殘陽一瞥催歸鴉

百尺天門詖蕩開憐渠得得草間來文心醞似初含蕊交

誼醇於舊醖醅絕域也應池夢草哲兄霽堂遠戍烏城豐城忍使劍

埋苔千人橫埽看今日一鼓驍騰擊背鬼

題湘生女史畫山水

煙鬟翠黛埽秋光粉本看從鏡裏妝一段閒情誰領取湘

生端合占瀟湘領取瀟湘一段秋湘生自題句也

次韻蓉塘立秋書懷二首

綵絲擬待繡針穿珍重齊紈未忍捐一夕秋風來有信百

卷四

三

年世事去如泉空庭坐覺斗杓轉別浦先看月帳圓有容

登樓情倍切新詩脫手衆爭傳

兩度彈冠滯上都鱸魚一箸豈忘吳况逢令節腸堪斷便

許良材尾已枯鵬路遲君蟾窟柱燕巢老我掖垣梧從來

燕趙悲歌地為問當年舊酒徒

送唐述山刺史之官滇南兼寄兩令弟學博同年二

首

已分名題京兆輿忽傳

特簡轉熊旗君由安邑令推除京兆判十年闕隘盤根老

萬戶羅迦待澤噓撫字陽城心獨苦卜鄰王翰願終虛京寓

前此無多故舊河梁淚灑向天涯繡使裾

君家三鳳玉連枝最憶金門對策時刺史亦縈心似水冷

官無事草生池巷南巷北聯新社秋雨秋風愴去思尺幅  
湘江圖畫在感君意氣誦君詩

承題湘江圖卷

立秋後十日雨牕邀遊長河兩阻罷歸約五日後再  
遊及期雨復如注乃攔入酒肆痛飲至醉作歌調之

秋光十日等閒送堆案簿書正喧闐商量日遊長河惟  
有雨牕言可用長河近在城西隅廿年清夢搖菰蘆昨者  
欣聞折簡呼已分花下提胡盧天公作意妬清賞九衢滑  
刺翻泥塗西華門外車折軸歸對妻孥意消縮此意合得  
天借饒連朝喜見秋陽驕曉來雲暗如墨色輿夫戒嚴僮  
約飭毅然欲行不可留鮫室傾翻羯鼓巫風波如此公無  
渡盡醉此間得少趣歌呼不聞丞相嗔放蕩那怕長官怒  
兩牕自與雨為緣桂舫只合舫居便久要不忘言在耳謀

定從知人勝天

沈存圃 峻 遇

八卷四

三

赦放歸且得手書喜作二首

存圃令吳川為予觀察高廉時所屬邑歲壬子以弛鹽禁

被劾戍伊犁予亦因之被議去官

萬死微生在開函淚更彈果然生馬角失喜拜雞竿瞥眼  
風濤過餘身歲月寬海洋高卧穩勞爾憶同官  
三載為廉吏卑棲百粵東深文心轉白噩夢我甘同地冷  
哀鶻淚天迴退鷗風何當重把酒笳吹問詩筒

四十述懷九首

大化均爐錘受材紛已判螻蛄無春秋燕蝠爭夜旦我生  
歲在木苦為金所鍛

予生于戊寅年辛酉月

善病兼好閑自分便櫟

散柰何縛塵纓勞薪屢入爨凜凜知幾餘浮生已強半豈

不念脩名但恐時既裸

吾家古鍾離遷吳自洪武亦越穆廟時未耜易簪組我我

先高祖  
貞文先生

兩宗伯垂輝映儀部尋山洽隱淪日惟高王父

却聘不仕用顏延之尋山洽隱淪詩意自題其居曰洽隱山房清風逮三世蕭然守環堵

渺予少通籍恐佰高曾矩守身如處子先訓焉敢侮

家訓世家子弟只宜守身如處子云云高祖

二十而服官服官二十年今成局轅駒昔慕橫海鱣操兵

逐潢池銅柱珠崖巔霧潦愁毒淫跼跼見墮鳶破甑顧何

益所悲慈愛捐收身亦云早幸以全其天如何鞭轡索既

脫還復纏

矢人豈不仁擇術有其端天資頗不薄隨牒為刑官兩念

戰方寸人死與自安手錄蟻蝨囚心作兒孫看頭顱遽如

許顧念形影單積譽詎在顯臨牘慄且寒屢聞

寬大詔歡聲起創癩

連歲屢下書活囚無算救

我笑陶貞白取必尚書郎仕宦期四十不如早還鄉平生

數知已未聽弛銜纒更無田可歸聊復偷太倉從此復濡

忍中夜猶傍徨踰守故步倩綯多新妝流光不待人背

我去堂堂

烏且識反哺獺亦能祭鯉智出二蟲下何以為人子堂上

垂白親跂望在千里早晚奉藤輿走迎潞河溪長跪壽一

觴此樂良未已轉憶六年前樂事尤具美恐傷阿翁心淚

落強遽止

我生無姊妹同懷六男兒中間兩天折存者均四支人言

季也才叔亦弗棄基各抱少游願肯策款段馳我兄客海

津尺只同藩籬良覲亦不數秋風以為期何當對床眠各吐胃中奇

下壽年未逮稱慶豈古風藉以通酬酢客至歌殮饑婦曰有斗酒莫使樽中空我昔乏手力累汝并白躬相將走南北廿載甘苦同阿蘭亦婉婉再拜為我容太和在室庶幾占夢熊

木石本頑梗礮錯斯有成我未鳴一善樂有賢父兄邪蒿戒不履莠言閱無聲濡染四十年成就此硜硜咄嗟原巨先空慕陳婦貞百里未九十驕佚防未萌草木倘有年曷以保令名

題陳芸莊憶別圖

溪山如畫柳如煙正是離人欲上船六度春光一彈指可

憐時節又今年

卷四

三

南石槽次雨牕韻

冒寒出郭及清晨晝日消磨輦路塵草榻田間時處處闢車門外鬧鞦韆青島白飯真吾友短鍾長劓愧爾民

謂修道民

夫却笑此行殊不惡簿書暫撇即閑人

彭瑤圃四十賦贈

爾我同庚復同里相顧頭顱遽如此百年戚好附劉盧奕葉通門屬孔李紫陽山長大司馬我祖當年聯白社淵源

同出象湖門老輩交情世應寡

令祖芝庭先生與先父同受知於學使林象

湖先生交

兒童討論得親炙春風亭上草曾藉

亭在紫陽書院芝

契極篤

兒童討論得親炙春風亭上草曾藉

科名卯溯酉兄弟互作同年友

哲兄修田登丁酉賢書子亦是科拔萃癸卯君又與

家聽秋兄  
同登賢書  
河東三鳳何翩躚江上二難敢比耦生成五色

無凡毛一門分掌三郎曾秋官春卿皆挺出仲也百萬曾  
藏韜悔我帆移珠海船舊雨重尋便陳迹萬里歸來夢欲  
醒一燈携照顏如昔從此心知非貌親聯鑣踏遍長安塵  
春花秋月恣遊賞舍南巷北洽比鄰斗酒相呼不復疑此  
樂合遣家人知近來欵洽到閨友厭厭夜飲歸遲遲昨君  
為我勸一觴月中桂子微飄香今我為君歌一曲籬根菊  
花新著霜更盡一觴翻一曲白衣蒼狗殊碌碌田園幾見  
千年留簪笏誰家百代續羨君有子食牛氣而我一索大  
不易只此坐嗟命不猶此外皆堪等閒置他年携手歸故  
山誅茅多傍鯀谿灣月聲菴對文星閣二老風流任往還

題程在山逸園圖二首

卷四

二六

鄧尉山前萬樹梅一聲騰嘯倚高臺神仙眷屬寒香國艷  
福幾生修得來

鹿門而後說寒山慙愧高風不可攀亦有香山別墅在年  
年清夢落漁灣

哭阿文成公二首

台星一夜墮天閭巷哭千家霧雨昏此日驚心摧柱石當  
年勞面拜花門鳳麟骨采傾朝右岳瀆肝腸奉  
至尊切齒西南妖鳥甚未償心事蓋棺論

自憐小草倚春風說項逢人感鉅公廿載從容侍丹筆幾  
番拂拭到焦桐人疑鹿馬天難問歲在龍蛇命合終履舄  
兩朝竟陳迹不刊功業史書中

何周溪同年夢蓮

歸自楚南軍營賦贈二首

親老陳  
情改京

經年勞噩夢此日是完人鬚髮風煙狎庭闈色笑真魂招  
沉屈地淚灑報劉身失喜生還後交情分外親

人海棲遲穩蕭然晝掩關頭街無處著時官級議未定心地轉能

閒鷓鼠飛沉外蟲雞得失間會須勤秉燭留取醉中顏

次韻宋梅生祠部鳴琦移居

打頭莫笑屋如舟中有忘機嵇阮流書擁半床供子讀糧

無三日任妻愁吳諺上場搬到下場不見三日飯糧水廳于吏真堪隱塵海

為家總若浮聞道盡梅新破萼宵分可許酒狂留

次韻梅生留別寄藤書屋

滿庭紅玉夜燒枝檢點春風曾幾時艷福不容人占斷靈

根解與世推移海波吟社追前輩雲竇清芬想故池京師藤花

卷四

二十七

最盛在海波寺街朱竹垞先生舊邸吳門敞廬雲竇山房有藤一本亦極繁麗無著鄉心兼古意

一番根觸到君詩

憶梅詞四首

晚風紙閣一燈昏夢落吳山第幾村恰似懷人逢歲暮一

年為爾一消魂

巡檐一笑索無由健步誰將此願酬我欲臨風作蝴蝶月

明飛墮到羅浮

冷淡天然賦命俱花魂詩骨兩清癯不知風雪中卧燈

影幢幢入夢無

好在山巔與水涯只愁雪虐更風欺枉勞人日題詩去南

北東西社拾遺

翼日蒔花人適致梅二盆又賦四絕

曉來剝啄者何人數首新詩信有神雙斗送將春似海冷  
官屋舍未全貧

一笑相逢是夙緣多君許我伴清眠商量何物酬孤艷依  
舊霜毫拂素箋

短檠側畔瓦鐙斜著个仙姿陡地華不敢重尋香雪海書  
生福分没多些

我是吳儂笠澤居三年塵海夢生疎亭亭瘦玉當牕見絕  
似山中舊友書

山中詩文書

吳儂笠澤居三年塵海夢生疎亭亭瘦玉當牕見絕

似山中舊友書

一笑相逢是夙緣多君許我伴清眠商量何物酬孤艷依

舊霜毫拂素箋

短檠側畔瓦鐙斜著个仙姿陡地華不敢重尋香雪海書

生福分没多些

我是吳儂笠澤居三年塵海夢生疎亭亭瘦玉當牕見絕

還讀齋詩稿卷五

戊午

元和韓

對桂舲著

人日同人集還讀齋趙味辛文

懷玉

有詩紀事次其

韻

落日柴扉剥啄譁草堂彩勝貼屏斜肯將轟醉酬佳節不遣春風到別家向走珠盤投錯落

同人屬對為戲

人如銀燭列周

遮酒豪減去詩豪在爭看先生老樹花

時趙止酒而詩先成

題潘芝軒修撰秋帆歸興圖

紅桂吹香香滿江秋風江路移輕艫東堂領袖人三百南

國笙歌玉一雙我時珠海倦揚舲君正歸來射雀屏蓬萊

山頭月皎皎芙蓉鏡裏花亭亭神仙中人不易得還朝又

振搏風翼我遲一載入

卷五

帝京相逢猶是一書生半壁遊仙寄高致虛舟浩蕩秋澄

清好官階級尋常事願以家箴訂素盟

好官階級不關心昔人贈先宗伯句

也今乾隆癸丑芝軒廷對第一距先宗伯榜花甲再周故亦以相屬云

上元前一日兄弟團坐聯句二首

杜門何太寂

聽秋

所葆是天真典謁嬌兒懶

聆桂

寒溫快壻親

盤留人日菜

聽

燈綯

帝城春但祝邊烽熄

桂

鏡歌取次陳

聽

養病閒亦好

桂

散直懶無營雪意天難問

聽

風聲日不平

梅噤去年萼

桂

飯煮故鄉秬蠡蟲真何補

聽

優游愧力耕

桂

味辛文見和聯句詩勇退之意情見乎詞為轉一解

疊韻奉答二首

一從觀海後到眼覺非真頗盡新知樂偏于老輩親活雲  
非戀岫古木亦驕春且住為佳耳憑將大雅陳

草檄飛秦蜀春風細柳營疎狂無事業醉飽荷承平世態  
逢場戲公才儉歲稅

王城最堪隱何必計歸耕

奉送宮保胡雲坡夫子出制畿輔次少司寇熊謙山

先生韻

遙傳

天語下彤雲赤輔蒼生仰寸雲治化疾徐歸有要

師陸辭  
聖訓

以無欲  
速為要 訐謨中外本無分一輪卿月台階朗廿載春風小

草薰不日

綸扉還側席

重華光景鬱氛氲

呂堰巡檢王聽夫翼孫死難紀事

九品官一尺土大橋下獲死所解賊來兮如麻手草檄兮

倚琯戈巡檢為

天子守土兩省軍報所關實多兵來不來奈若何

解長歎瞋目蹶起揮刀紛紜臣力竭矣解六字銅章為龍為

光遣吏收取上郡守此物義不與俱亡解飛酸騰兮屋瓦

裂野橫尸兮卷流血吏還不見官但聞橋頭溝水聲嗚咽

五魂兮歸來是耶非解

天兵下來乃獲其魁自承殺官盜印死難心白無疑猜七

次韻方茶山同曹移居三首

同是浮沉去住難，強移棲息一枝安。地寬恰稱人疎放，巷陋何嫌徑屈盤。半榻破書消晝永，十尋喬木逼天寒。會須急假從歌嘯，箕踞憑人說曠官。

知君道意本翛然，竹裏煎茶起碧烟。池館流傳誰是主，賢豪聚處亦關天。終朝兀兀垂簾坐，一醉陶陶對客眠。尋樂底須求長物，儻來風月自無邊。

扶杖相過侍阿翁，結鄰喜得傍愚公。

侍

家大人過

奚囊詩談譏甚樂

句就清談際，子舍歡承逆旅中。詩卷不矜名士氣，交遊真見古人風。厥橋南去槐陰綠，來往休教酒盞空。

雨中力疾出德勝門，薄暮雨霽宿石槽帳房。

一雨撒蒸暑病骨，翛然瘳跨馬百慮屏。反若一賜休衝泥出郭門，五雲衛郊邱天心眷。

卷五

三

時邁應候傾甘柔，柳陰兩行重麥氣。千塍浮向晚，天宇曠林樾。殘陽投星星，竿燈見壘壘。廬幕周藉草，即高枕此味。今從頭。

密雲縣

衆山從西來，合沓束一澗。鬱盤露崇墉，稱古犀。奚縣路轉澗，東西城借山。背面北門此，筦籥累代劇。爭戰隩區今，戶庭

輦路歲經慣。戶復擔牛酒，年登香麥飯。幽風陳艱難，舜典用董勸。嗟爾老戍兵，無然事遊晏。

南天門

一徑緣秋毫，連山入太古。孤雲歎松蘿，長風嘯豺虎。鞭銜慘不驕，瑟縮戰兩股。爭此一握天，豁然開洞戶。濶愁大荒

落低見衆星舞迴視未登客萬蟻穿綫縷始知所歷高上  
界足官府書生老蓬華壯觀從今數狂吟勅勒篇浩氣莽  
天宇

出古北口見長城

山勢窄蓋窘陡然嚴關開連城亘長雲睥睨何雄哉曉色  
破屹嚙吹面陰風來上有秦時月曾照白骨堆七十萬刑  
徒碧血埋寒灰誰云蒙將軍作俑非罪魁迄乎明未造輶  
踵禍孰胎愁雲結慘沒騁望使心哀關門今不設  
鑿輿數來回清笳一聲動蒿呼聞殷雷在德理無外防邊  
計可哈徒曰恃天險頗牧皆凡才

五里行山脚十里行山腰沙石互撞擊砰礧摧輪輶隆隆然

卷五

起山脊石迸沙已消其旁森峭壁中分路一條捨車跨我  
馬尻低首勉翹鞭之盡一氣斗上凌層霄俯瞰怯滑達目  
眩心神搖復下所騎馬手中青絲挑一步一蹭蹬以次辭  
岌堯喘息謂我僕身命天借饒

起始抵灤陽寓舍

穹廬却卸一椽安果覺清涼世界寬牀上疊牀禪毳減室  
中複室壁蛛乾墻低不隔看山眼市近能供下馬餐洗足  
關門便高卧浪浪夜雨聽檐端

次韻陳梅垞侍講見贈三首

千門宮殿翠微連沙尾蹄痕認昔年窄袖短衣新結束繩  
床土堊舊因緣兩三月好等閒過廿六人宜來徃便  
我欲低頭陳伯玉清詞傳遍塞垣邊

共二  
六人

漢員  
隨扈

雲屯萬騎護行營有客燃蒸太乙精教胄化隆才不忝著  
書事大老垂成花間碑影日亭午塞上山容雨伏庚退直  
歸來沙逕滑閉門心跡證雙清

勞生蓬轉幾曾休三度灤河未白頭狹巷門闌罷歌舞長  
衢第宅數王侯十年擬就邊關草一雨先禁枕簟秋莫笑  
吳儂苦行役猶能騎馬似乘舟

送吳少甫吏部典試廣西

瀟湘之水峨嵋峰十年使節西南窮澧蘭蜀錦貢天府玉  
壺金鑑聞

堯聰賓興三物歲數舉不遺遐邇均陶鎔星軺聯翩出都  
下桂林象郡秦時封此邦僻陋極邊土狺獠舊俗心愚蒙  
自從伏波下南越交人歲葺銅柱銅

卷五

五

聖朝文教大無外拔擢杞梓登葵莢玉笋瑤筴壽靈秀竒  
才往往騁豪雄

帝愁珊瑚漏鐵網萬里玉尺量須公是時六龍駐灤水我  
適宿衛趨

行宮天題名姓濕朱墨山迎笳鼓開羅叢羣公袞袞孰巨  
眼頭腦那不悲冬烘紫鳳天吳劇顛倒山花木葉紛青紅  
摸索未遇囊中穎淒涼能無爨下桐不負初心知有幾先  
生手提風雅宗已見星文耀翼軫羣英吐氣光熊熊書來  
乞詩頗相傲此行絕冠平生蹤江如青羅山碧玉預擬一  
一收詩筒我有同官復同役同時銜

命何匆匆三湘七澤路綿渺館花馭兩行相從

謂伊墨卿

會傳

衣鉢有薪法敢將桃李私春風自憐執戟周廬下孤吟幽

咽如秋蛩題詩緘寄向天末長懷鬱鬱何由通

訪吳鶴臯寓居次見贈韻

駝裝才卸未安眠急把羲經滴露研吳方讀易虛室靜觀心似

水背山晏坐日如年橐弓懶獻長楊賦出谷新裁伐木篇

一笑相逢入海外固知不俗即神仙公未菜期

伊墨卿同曹偕予扈從灤陽未數日旋拜典試湘南

之

命匆匆別去賦古詩五章送之

急雨催離人五月塞山冷翩翩同舍郎去去廣仁嶺早知

有別離不如無合併離合固有之天乎不可幸

蘭茗各自媚相賞愜素心况復同茲役豁然見曾襟誰能

車馬場閉門工苦吟對床願斯遂十日抵萬金

山莊寂無事長日駐小年會舉賓興典銜

命自九天百千孤寒氣吐向魁台躔豈曰盛光寵報

國在得賢

小雅勞使臣王事及將父行持皂蓋歸戲作綵衣舞尊文

觴七十走馬東都門鳴鹿湘江浦維楚實有材杞梓貢

天府

故人渺千里從茲天一涯贈言雖無多眷眷良若斯鐵網

詎云盡明珠忍見遺公毋忽此語見公未第時

夜遲言臯雲同曹不至

聞說灤平渡風波不可行關雲晴雜雨容緒送將迎墨卿

臯雲未來辛苦憐單騎咿哦對短檠燈花何太喜愁坐又三更

喜臯雲至

卧聞鈴鐸響柴關一笑掀髯認舊顏  
瞥眼狂波驚昨渡照人新月又前山  
清宵對榻蓴鱸夢余與舉雲同郡友善  
短後縫衣鷓鷯斑簡牘正須卿  
料理容予坐嘯稱疎頑

潘理齋農部招飲東謝

何法涼招溽暑驅前山有客勸提壺  
含香舊是探花使橐筆今成出塞圖  
怪事愛聽談鬼魅席間談鬼怪事娓娓可聽  
方言好與話蓴鱸理齋舉雲與余同郡

陳梅垞見和始抵灤陽寓舍之作疊韻報謝

形勞底處覓心安退直山齋歲月寬  
新浴硯開鸚眼活舊温書漬蠹痕乾  
不嫌小住遲瓜代預擬言歸到菊餐  
多謝新篇結清賞破除煩熱仗毫端

寄呈家夫人敬次陶然亭韻二首

卷五

七

板輿纔奉跨征驂雙塔峰頭認舊龕  
萬幕平沙青入野四山濕霧翠蒸嵐  
眠餐客路天教健風雨孤牕夜戰酣  
縱說有方遊亦倦夢魂夜夜到咳南

幾日炎塵面欲黎迢迢子舍白雲迷  
勞生歲月渠穿溜閱世功名浪作梯  
酷暑弟應勤扇枕長貧婦只奉羹藜  
絨情天末望何極預數歸期斗柄西

寄懷適園主人且堅去歲長河之約即用大家大人適園席間酬贈韻二首

玉節移從析木津幽棲魚鳥鎮相親  
松筠家有千間厦邱壑曾無半點塵  
熱不因人偏雅度貧能好客見天真  
遙知散直科頭坐一曲清漪理釣綸

長河宛在欲從之兩度招邀妬兩師  
去歲主人兩次邀遊長河俱為兩阻瘦

騎忽臨古北口畫船猶想曲江池久要不忘平生約得果  
真成一段奇應笑吳兒惟解水短衣射虎總非宜

梅垞見和理齋席間酬贈之作即疊前韻奉報兼東  
理齋同過荒齋小酌

公等才華今古驅心期却復映冰壺論交畧識薰蕕味別  
派渾忘主客圖準典冬裘留夏葛試烹河鯉當江鱸能來  
取醉茅檐下要使塵懷滌無餘

諸同人寓齋集飲復疊前韻

漫勞車馬載馳驅埽逕攀留盡一壺鴻雪十年仍北顧鵬  
風六月息南圖不嫌貧饑惟粗糲休對秋風憶膾鱸為問  
論思清切地旋書夜報未央無

時西南用兵座中皆極垣清要故云

次韻汪首未給諫寓齋集飲見贈二首

卷五

八

濁酒新温折脚鐙科頭跣足笑相迎風流漫許羣賢集月  
且端推老眼明倚馬萬言馳羽檄雕蟲餘事託歌行蘭臺  
正負中朝望容易湖田買犢耕

元龍百尺許追攀茗盃從君冷淡歡一事差同蕉葉淺連  
旬頗訝葛衣单最憐襤被樞堂寂

可亭曹長以夜值未至

苦憶軺車

蜀道難

裴山同年典試西川

星聚沙搏渾不定可堪斜日下層巒

次韻梅垞過飲見贈

山厨真草草竟日枉高賢坦率性情見清狂禮數捐旅懷  
杯酒放涼意塞雲傳三徑何須掃蓬蒿也自妍

飲沈舫西侍御齋次梅垞韻

起看雲漢影昭回良夜清樽許共陪冰簟涼先秋信到鬢  
花香怯晚風催

庭前有茉莉數本

空餘下若扁舟興

侍御吳

爭豔

東陽八詠才我亦苦吟學無已閉門覓向個中來

題黃約領寫贈月下梅花即送其之官隴西

約領維揚人

天風吹夢揚州路明月二分花滿樹伴花幾月住江南忍  
拋西向隴頭渡隴頭流水聲鳴咽萬磧千山斷人跡李陵  
臺下草不春隗囂宮前月如雪可憐詞客老風塵梅花丰  
格月精神長安故人留不得留將尺幅故園春灤河六月  
秋駢眉三日風光坐飄瞥巡檐一笑索應難滿紙離愁不  
能說

林七夕後二日同亮金臺廢子潘理齋農部言臯雲同  
塞天曹渡武列水登會龍山海雲寺尋石洞溝憇林間野  
曲登酌成短律三首

幽興愜秋爽誰能卧掩關馬蹄敲石角人影亂沙灣天健

卷五

九

尋山屐波澄鑑水顏已登彼岸久猶聽響潺湲

曲磴盤空上憑高眼倍明松杉深自雨鐘磬靜無聲雲獻  
塞天澗煙橫墅水清老僧勞問訊羈鞅愧吾生

石林蟠洞府前路嬾重尋藉草得沙麓歇鞍在柳陰碧香  
泛桑落紅熟打來禽坐看昏鴉沒不知山日沉

書會稽汪孝子風木圖後

維木有本枝葉楚楚荏苒桑榆風其吹汝

一解 椎牛不如啜

菽紫誥不如素衣覆水收豈滿杯落葉去不歸枝

二解 青松

離離白楊蕭蕭負土淒惻拔條長號

三解 兒身父身無父何

怙不從父亡事母如父

四解 母止兒勿泣兒勸娘勿悲二十

年中為無父兒二十年後為無父母兒

五解 挽雙櫬兮不返

棄兩雛之羈孤呼蒼天兮罔極染血淚兮成圖

六解

蔣香杜應試京兆子以扈從灤陽尚未之見也承寄  
沽口與家兄唱酬之什次韻答寄三首

苑枯閱過事如煙舊雨關懷倍黯然粵海同舟驚昨夢燕  
臺市駿決今年萍踪逐水離還合月明隨人缺又全月極  
關雲愁日暮天教良會暫俄延  
雁行論序合稱兄廿載叨先謁

帝京幾輩鄒枚爭奮筆何時隴蜀罷論兵文羞媚俗花翻  
樣氣欲凌秋月放晴遲爾遠來看拔幟城南笑聽打門聲  
執戟周盧繫職司羈縻仍託

上林枝洗塵擬泛黃花酒計日看迴赤羽旗詩卷半因離  
恨積古心肯為俗情移未成會面先酬句室遠何嘗廢爾  
思

卷五  
七月十二日硯易山房聯句

麗正門前並轡回解衣盤礴擁蒿萊荒亭四面山為障鼻

老屋三間書亂堆強著冠裳身似戲桂了殘簡牘念如灰

得閒半日關清福理但飲無何便散材石壁乍陰沉夕照

鼻蓉塘何處發輕雷千峰不辨覺雲重桂一鳥疾飛知雨

來傾倒鮫官看噴玉理奔騰羯鼓走啣枚電流巖下驅丁

甲鼻電打牕前落李梅老火柔金相激薄桂白衣蒼狗任

嘲哈石鞭東海歸荒磧理葉戰南柯撼古槐暝色投村橫

杳靄鼻泉聲瀉壑壑弄喧理萬千起滅原皆幻桂頃刻交涼

莫漫猜底事人間驚失箸理不羈吾輩合持杯公餘吟筆

凌秋健鼻客裏愁城仗酒開水柱句成清入夢桂銀蟾光

吐靜無埃袷衣頗訝今宵薄理紈扇應拋隔歲裁拂檻新

涼生薜荔鼻映階古意上莓苔鄉音難得三人共桂髻影

能禁一葉摧雁陣長天迷遠度理鴛班上塞喜追陪從茲

莫厭經過數韻語憑教擊鉢催鼻

七月十五夜迎水壩觀河燈二首

沙堤門外月如沙迎水壩前燈似花今夜孟蘭盆會好千

枝剪放出官家

香霧淒迷繞禁垣金鞭寶馬笑言喧一般火樹銀花合人

道中元似上元

入古北口

秦時明月至今存百戰功名馬上論兩戒中分盤鳥道羣

峰南下鎖天門白河幾派合諸澗黃葉數家成一村六度

往來認泥爪慙將髀肉錦鞍溫

還珠吟有序

南籠太守張棫齋姬冉貞秀婉婉能詩旋為其母

索擾成訟業遣去姬截髮自矢貴陽徐公按之屬

其配某夫人召入署一日張筵宴客姬窺見棫齋

在坐雙淚併下夫人察其志不可奪輿歸張邸好

事者為繪珠還合浦圖

明珠產合浦精誠通微波一朝風浪作珠去浦如何栽栽

香雲髻恩情與俱逝妾愁比髮多妾命如髮細兔絲分已

斷浮萍時復牽窺簾隔秋水紅兩黏花鮮珠去恒河劫珠

還合浦光願言同白首錦水雙鴛鴦

書張文恪公壽芝五葉圖後

九龍山頭五色芝瑰奇輪囷珊瑚枝萬有千歲神扶持有

堂宗伯古大儒八十歸老比二疏曰有好德張大夫國門  
車馬聲喧闐

宸章渙汗下九天天漿傾倒如流泉太和元氣萃一門子  
復生子孫生孫勝事傳說聞重闈擘窠大書榜門第舉家  
復拜千金賜五葉壽芝見所未圖中人兮鬚眉古阿翁怡  
怡諸孫舞雲初百世繩其武梁溪之水流且長俾熾而昌  
壽而臧為閭里式邦家光

題法時帆祭酒詩龕圖卷即用自題韻

乾坤一龕詩春秋萬株樹此中大人長住無所住  
芋火撥還然茶煙颺不滅悟澈清淨理雷霆亦冰雪  
即看五字偈洗盡凡眼肉我如空腹人喫得一盞粥  
現身丈室中說法辦香外願為詩家奴永證無遮會

題夏蘭石秋山詩思圖

卷五

十二

夢斷吳江老白蘋三年塵土著吟身畫圖忽把眉間爽林  
壑誰傳象外神冷淡人如山蘊藉秋空詩得氣清真碧溪  
紅樹西風約海湧峰頭願卜鄰

題朱楚雲為所瞻弟畫秋牕話雨圖

紙牕竹屋漏冥冥一別音塵似轉萍珍重逍遙堂後雨也  
應好友與同聽

題楚雲橫街寓齋雅集圖

橫街東頭瑤臺偏橫街主人無一錢闔窓蘆荻颯如雨牽  
屋藤蘿寒欲煙五日一水十日石無酒學佛有酒仙何當  
闐然排闥入叫婦開瓶能復然

題楚雲打飯僧歸圖二首

古寺淡煙蘿荒崖斷雲水鉉然一聲鐘打飯僧歸矣  
兩脚踏黃葉一肩荷夕陽齋厨無別味曇鉢有餘香

已未

次韻贈周道如表姪

與君本是劉盧戚老大相逢非故鄉燕市悲歌秋緝操江  
關詞賦筆淒涼酒壚醉吸天街月蘆管聲酸絕塞霜近遠  
來京珍重匣中雄劍在肯教容易淬神鉞

寄魏春松太守成憲

魏侯骨聳精爽緊杜平生坦易無畦畛一臨大事決大疑

口吻風霜受者窘曾親狂獄敲奸偷木強不顧儕輩哂廿

年法曹心膽寒蟻蝨囚等兒孫看我持此論君頗許手錄

四心作兒孫看余舊句也頗為君心賞與其刻覈寧為寬要以陽和濟肅殺

卷五

十三

推求一字惟心安我今嬾散漸戩翼衆裏吹竽竊祿食君  
如天驥日千里時至騰驥不得息忽看隼旆指淮南遂使  
馬羣空冀北古稱淮海惟揚州牢盆挾策豐財求金珠麗  
集五都市裘馬氣驕萬戶侯紅袖圍中悲業海玉鈎斜畔  
怨迷樓世人但知為郡樂何況此行真跨鶴聞君到郡劇  
蕭閒力挽狂瀾歸大壑雉墻屹屹雄金湯象魏煌煌振木  
鐸題詩持報同心子新政發硯下車始方今膠柱必更張  
從古琴絲貴徐理眼中龔黃今有幾且對黃鸝斂爪觜

題張菊園太守揚子飽帆圖即送之官江南

海門日出洗煙霧京口寒潮漲瓜步一壘玻璃五兩風江  
花夾岸江舟去使君十載鸞行聯氣誼徐王相後先剖竹  
朝辭三殿月携琴暮上五湖船船頭晴翠點浮玉柁尾春

燈照行轟津吏歡迎鏡吹喧吳兒爭唱汀洲綠吳兒生長  
游俠場輕裘駿馬生輝光仁風拂處桑麻長膏雨霏來粳  
稻香出餞無端鄉思起願逐輕帆日千里張公為政樂不  
支有田不歸如江水

送石琢堂殿撰出守西川次家人韻二首

婀娜曾踏最高峰經濟文章一火鎔汲黯到官惟卧治桓  
榮留席尚情鍾錦江春色三巴接鏡吹歡聲五馬逢莫忘  
承明招近局海棠花下聽齋鐘琢堂寓鄰鄰法源寺顏其居曰聽鐘  
文戰髻年接短兵相看猶是舊諸生二千石俸難酬遇第  
一流人自顧名小腆至今勞

吁慮此行何以答昇平勒銘遲爾西清筆要使操弓不反  
繫

次韻酬方梧桐

記曾湘水上共弔賈生才以我浮沉處知君閱歷來羊腸  
雖百折馬首却重回京洛一尊酒春風又放梅

題畫

煙光好處無多子蘇句老筆蒼然太瘦生莫是江南秋望賦  
棲鴉歸雁不勝情

送伊墨卿秉綬同曹出守廣南

三年夢落五羊城慚愧桐鄉父老情漫許識途憐老馬尚  
聞跋浪縱長鯨賣刀買犢從今日有海無天壯此行若到  
南州苦相憶為尋巖壁舊題名

題陳芝房毓咸學正紅樹莊詩集二首

先生吾父執問道自兒童天壽名山業人尊長者風文章

庚信老官職鄭虔窮衮衮蘭臺客誰歟識此翁  
豈意風塵外忽聞韶濩音性情真處得旨趣淡中深原本  
惟忠孝縱橫無古今向來箏笛耳淨洗不教侵

端午前三日滄雲李文

蔡

小酌寓齋即席贈詩次韻

二首

又見菖蒲九節枝偶邀長者一銜卮苦無豆麥登盤俎尚  
有魚蝦出眾羅耐久交情推老輩倦遊滋味厭新知輒塵  
歲月忙中度難得清宵促坐時

歲稔年來酒價廉深杯對燭儘教添星占太史荀陳聚詞  
領衙官屈宋兼心似養花隨地活境如咬蔗到根甜當筵  
擊鉢勞催和強把尖叉險韻拈

題達摩像

卷五

五

浮江一葦行飄瞥面壁九年住等閒不道相逢葱嶺上尚  
留隻履在人間

次韻尤二娛

維熊

自山左簡寄還讀齋讌集之什

壯志昔已闡歲年今不再棲棲戀故巢新懦就斂退獨念  
同心子令我寢食廢喜聞跽然來斗酒恐不逮瞿

鄴亭朱曉

大小彭

簡錄雅  
泉昆李

瀟灑盡吾輩言辭案牘勞日共琴樽對尤

郎富才華讀書十年耐瑤席陳圭璋清廟薦盤敦何為久  
蹭蹬但飽首宿菜考最民社嫻才命豈云配近來百里侯  
動負千金貸取償在民膏決勝同博簊可憐哀鴻肉卹填  
餓虎喙君也學道人

聖訓敢或背君家有嚴君老宿行脩內我昔問道時鍼砭  
薤蕪礙及我膺貢篚君猶逐童隊一麾拔幟登再北借城

背踪跡如燕鴻一別逾廿載相逢各老大微霜髻毛戴如  
何又捨去須臾景可愛蘆溝曉踏月岱色暮橫黛斃依東  
諸侯曳裾廁賓倅寄我瑤華篇高天擷霜碎寧知北窻下  
故態狂奴在日夕諷君詩擊節氣慷慨

所瞻弟援例除從九品官以親老得告近省順歸

吳門用東坡初別子由韻作詩送之

所瞻吾幼弟外腴中實清十載六獻賦無階謁承明計窮  
就末秩區區為謀生豈無黑頭相拜手颺歌麈雲泥本自  
判才命各有程菀枯旦暮間世事如楸枰要使定力堅何  
由妄念萌却喜捧部檄且得返柴荆過江蓴鱸美到舍葵  
菽烹近聞抱關者趨走媚上卿或工脫穎計競以所能鳴  
或擅囊篋謀所在馳醜聲臧穀均亡羊此亦有定評今子  
別親愛惻惻去王城顧念堂上翁歲月高崢嶸近鄉便省  
定桴鼓所不驚我亦官味淡嬾與鵝鶩爭早知世路隘瞎  
馬騎者盲卑官好託足庶幾保令名但博五斗米飽食同  
青精

書楊右侯先生宜山政成圖後

渡河虎可憐鄰郡何太苦雙歧麥只愁對飯不得喫一解泥

江渾渾兮劍山如割狻猊磨牙兮風毛雨血稼穡卒痒兮

降此蝨賊狺獠萬指兮待公而活二解率時農夫其饁其耜

曷爾死士強弓毒矢陰霾廓清善氣紛瀾三解昔公未來水

旱雀鼠自公來思多稌多黍昔公未來巷無居人自公來

思夜不閉戶四解汲多渾水調急絕絃去其太甚務所當先

如離斯乳如魁斯殲仁者必勇維公有焉五解公來兮何暮

公去今無那圖公之貌兮我心則寫作為歌詩兮告茲來者安得如公數輩兮布滿天下

六解

半郭半村非石隱不衫不履一詩狂前溪雨過鳧雛樂隔嶠風來稻穗香歸計定營五畝宅卜居要近萬松岡自憐堆案紛如葉白汗翻漿為底忙

立秋日諸同人醪飲陶然亭余以小疾未赴作詩二

聞說陶然亭子上風流裙屐是今朝剛逢一葉秋聲到羸

得雙星淚點飄是日七夕老我堅關當酒怯笑他排闥作花妖

聞窾拈花令梅生以不速客例作花妖

七

仗憑教疊鼓飄寂寞病夫齒齒笑婆婆醉客海棠妖無端

我亦頭風愈坐待羣仙折簡招

題于滄來刺史

施粥圖卷二首

蕭寺鐘聲動平林集萬鳥誰為父母者忍聽癸庚呼法補

周官政心悲鄭俠圖紛紛二千石留得一分無常願留得一分與民

豈獨婁東福吳儂萬口傳陽春行有脚生佛號無邊不愧

名臣後堪為郡邑先攀轅爭借冠驂篠迓旌旃

題顧蘇園

師洵溟遊第二圖

廿年前已訪仙都濡筆曾題萬里圖襟被依人仍落拓雲山到眼未糝糊碧雞金馬非吾土蓬矢桑弧是丈夫我怕中年別親故輸君意氣總蒙粗

贈黃畫史三首

包山陸生寫生手誰嗣瓣香芳草堂畢竟不如少谷子至  
今家法擅邊黃

偶然點筆寫幽襟嘖嘖品題吳翰林謂玉僻居委巷不出

戶尺素傳來直餅金

難得閨中有良友琴清墨靜是生涯商量打幅同心稿對

語禽樓並蒂花

題滕王閣圖送黃松坡縣丞銳之官江右

東南形勝劇崢嶸到眼微茫煙樹橫詞賦三王餘此席雪

泥兩度舊題名也應時至憑風送果見官貧似水清黃綬

青袍君莫賤宦遊聊得住蓬瀛

題黃鶴樓圖送顧梅峰鼎容之官鄂州

卷五

崔顥題詩去誰人上此樓記曾停櫂處春色滿芳洲瞥眼

星霜換經年兵草休君行風正利歌嘯倚中流

題吳心耕驛澄懷觀道圖照

皎皎芙蓉底處安寸田尺宅足盤桓事都過去消停坐道

本當前自在觀舊隱松筠邴拋撇新知詩酒未闌珊怪君

逸氣浮眉宇要乞人間換骨丹

題龍池紀遊圖後即送王菊亭綱之官南河

五年前記趨庭日始識羲之與獻之歲乙卯家君主講

始識君喬梓于座上老驥未灰千里志鳳雛真見九苞姿出門西笑

豪情舉撰杖南遊官跡竒收拾煙霞入懷袖故應清夢繞

龍池

古風三章簡阿雨牕廉使

喬松挺巖壑蘿蒿相因依氣味一相感不以小草遺君才  
十倍我而獨於我私郎官無尺柄條教如亂絲幸荷  
寬大詔得以次芟夷凡君所手創我實潤澤之當仁有不  
讓見義所必為

老驥服鹽車千里志難繫不遇特達知芻秣固常例豈知  
閭闔高自有風雲契終然騰驥去銜轡邗得制許身一何  
愚感激但零涕驚馬聞下風嚙極亦交勵

羅浮忽離合風雨自朝暮未經別離情邗識合併趣匡廬  
渺何許大江不可渡因憶臨別時酒闌肝膽露相期豈不  
深酸寒已成痼網羅遍鷓鴣幸免及鷗鷺

近有詔許三品以上密保所

知持告同心子庶不改此度

黃植送黃倉雅思長之官江右兼寄兩臆廉使

卷五

十九

黃郎三十不稱意投筆去為抱關吏平生識字竟無用何  
况遠摹秦漢字使刀如筆筆如鐵錕鋸切玉霏玉屑前年  
挾策遊上都名公鉅卿交口說怪君落拓不自珍明月往  
往投非人繭足重尋千里道曳裾浪作五侯賓囊空歸來  
只如洗做裘蒙茸朔風起婁塘盡去二頃田彭澤要餐五  
斗米東南繁會古洪都如雲冠蓋紛于于斂銚邗脫囊中  
穎涵跡同吹衆裏竿九江使者開憲府好士當今誰比數  
勸君負簷往依之試把胸中竒一吐

送尤二娛之官滇南

枳棘不合鸞鳳棲鹽車有時絆駃騠十年首着嚼不厭况  
乃萬里滇南馳此邦僻在西南夷蒙段之喬面黑鬣往者  
跳梁若狴狴其責毋乃在宥司已聞一鼓蕩魑魅那遂萬

口平瘡瘕願持片語告有位七分休養三分治君才有如  
百鍊刀少年志氣青雲高曳裾浪作諸侯客越俎終代他  
人庖何如小鮮手烹鉉批卻導窳神不勞亦知良會終成  
別此腰竟為五斗折不堪重讀聽雨圖負米危途語淒絕  
途危負米難君  
題聽雨圖句也故人執手情拳拳吁嗟鷗夢何時圓君有鷗夢  
照圓小惟有長安一片月送君直到五華巔

題賈閔仙祭詩圖

憑仗今宵酒一巡酬他終歲苦吟身窮來未必非其鬼瘦  
極端知尚有神一瓣心香嗣騷雅千秋鼻祖配尊親生前  
便自黃金鑄此膝何曾屈向人

庚申

寒食方茶山招飲邁園

卷五

三

峭寒春意十分賒風景邁園也自嘉殘雪多情戀寒食小  
桃作意散餘霞百年易盡宜行樂一醉無名借看花清夜  
沉沉動春酌杜不知街鼓已三過

題劉春橋茂才詩集後

十載傾心見茂遲挑燈掩卷重哦思得來清氣乾坤少如  
此奇才草莽遺寂寂揚州明月夜集中多揚州  
贈之什匆匆京輦  
落花時會看一擊三千水始信青雲路本夷

朱野雲

鶴年

寓廬為偷兒罄所藏書畫去惟留一琴

因顏其居曰留琴室題二絕句

還我青氊亦太痴昭文底處論成虧也知古調彈應獨留  
贈區區是可兒

蕭然四壁走清風蠹簡無存有爨桐流水高山在人世從

教認取主人翁

野雲偶憶去年春與言臯雲

朝標今任夔州太守

同遊萬泉寺

之樂寫圖屬題書二絕句

忽憶高陽舊酒徒踏春同訪鳳城隅不知粉堞悲笳夜禪

榻茶煙入夢無

畫意條然絕點氛野雲海內一舉雲何緣卷寄憑江鯉換

讀相如難蜀文

移居四首

此計未為失營營突不黔月徵租論直歲入俸全沾舊居按俸

得全俸矣已踐卜鄰約謂李薊塘編修何辭近市嫌也須勤運甃

作僕我能兼

來往疾于鳥老騾託付任以書為間架有樹即山林庭有老槐

卷五

三

漫說五車富欣成半畝陰此中堪布席小憇便長吟

本是尚書第高齋仍故基一經重榜額卅載論心知宅本谷尚書一經齋舊第三十年前家大人與趙待容粗支

榻栽花短挿籬大都皆傳舍著我是安枝

阿翁興不淺走筆賦長篇竊祿盤盂奉分甘衣袖牽無兒

良可慰有婦亦能賢了却公家事關門即宴然

次韻宋于庭翔鳳上舍見贈三首

野鶴昂藏見欲驚天涯書劍比雲輕才華豈意遽如許骨

相翻憐太瘦生語舊居然成我老問津畢竟幾人行高秋

振爾棹風翻指點蓬萊路坦平

茫茫人海著吟身曲徑禪房好卜鄰時方寓居僧舍到處猶能詩

說項空齋竟少榻懸陳敝廬偏及未他年名姓紗籠舊近

能留榻為憾

日文章花樣新紫鳳天吳劇顛倒不隨流俗定何人  
每憶蒼山歎索居而翁踪跡幾年疎尊人西樵官滇南近以艱去官一官  
落拓真如夢有子欽崎能讀書靜者絕無名士氣親情肯  
過冷官廬舍香朝罷渾無事掃徑期君賦子虛

題于庭石鼓山房詩集後

晨興聞古磬夜夢酌天漿清氣得來獨微言只自芳變風  
從入蜀降格亦初唐我欲低頭拜君其袖手藏

錢丈魯思

伯桐

寓書屬題蒼茫獨立圖

平生最是難忘處風雪湘江又一村甲寅歲除同寓湘南節署又一村中捉  
塵飽聞霏玉屑揮毫真見落釵痕文工自君歸釣成離索

遠道遺書辱慰存不待展圖知意氣白頭吟望莽乾坤

楊默齋自湘南來京題其詩集後

卷五

五

多君送我木蘭舟無限離情湘水流彈指六年駒過隙掀  
髯一笑雪盈頭此來不作燕昭客有句曾題崔顥樓老作  
嫁衣何日了山陰賣藥願應酬默齋自言他日當賣藥山陰道上以樂餘年

喜王荔園

奉曾

同年 赦歸

萬里忽傳遷客返喜心倒極淚沾巾

赦書才到青蛉塞歸夢先依白髮親功罪分明

天鑿在死生契濶友情真荆襄未即封京觀顧影猶慙百

戰身

次和詩龕主人見酬

家大人用東坡行菜詩韻兼


呈汪靜岬學士

我愛詩龕詩五字足雄長苦逐東華塵未鼓西涯漿西涯  
大雅宗曠代盟息壤流風不枝梧陳迹感俯仰偶然一字

敲便作百年想元音許同參至味不獨饗樂與我翁游針芥投心賞但聞送詩人絡繹馬蹄響靜崖復繼之得魚兼熊掌詞瀾滙心源共借餘波養

題贈蔣冶師大鎔大使槐陰僧舍詩集後

人海萍踪合僧寮樹影疎癖還同簡蠹官只絆鹽車將老詩能細為貧祿尚虛時方需次舊遊零落盡回首廿年初



精論職為食新尚虛需次書畫意盡回首廿年初

入畫影組合曾寮樹邊越輾影同簡蠹官只絆鹽車將老

題贈蔣冶師大鎔大使槐陰僧舍詩集後

熊掌詞瀾滙心源共借餘波養

人海萍踪合僧寮樹影疎癖還同簡蠹官只絆鹽車將老詩能細為貧祿尚虛時方需次舊遊零落盡回首廿年初

題贈蔣冶師大鎔大使槐陰僧舍詩集後

遷讀齋詩稿卷六

辛酉

元和韓 對桂舫著

次韻熊謙山少司寇謝廣桂亭惠端溪硯詩三首

亭名玉由端州太守遷比部員外郎

太守歸來日輕航片石堅偶遺毛穎傳合受墨卿屢袖有連城璧心空負郭田從來天下寶不脛得奇緣

笑我珠江返端溪水一涯也曾搜秘怪竟未握靈蛇回首

雲山隔還朝歲月賒瓊瑰快先獲什襲有光華

去歲桂亭惠硯

丈人雅好古文采重西清才富金樓子歌傳玉帶生取茲端介節重以友生情世守傳經笥無慙萬石名

春分前一日過園小集

去年此地曾同醉千樹梨花晷凍雲人數舊遊添幾箇春

卷六

從明日又平分冰消池面鞞紋活苔繡墻隈篆意紛熟客

已能諳小徑他時蔣詡亦吾羣

時茶山方議移居園將屬蔣姓

題王香栢澧南浦歸颿圖

圖作于丁巳之春時由西江別駕告歸今復需次都門出圖索題

歸颿渺南浦浩蕩狎沙鷗子舍片雲白官塘春水流將成

遂初賦又作出山遊不盡蘭陔意輕軒奉白頭

題汪小愚本莊桐陰聽鶴圖三首

城南裙屐幾人在庚子諸同人繪山左弦歌一度新剩我

春明門內客桃花潭水訪汪倫

示我篋中行看子劇憐相對各鬢鬢早知薄宦清於水鶴

瘦官貧一樣廉

百尺清陰霧漠漠九臯逸響雲冥冥前身君是浮邱子箏

笛啁啾不耐聽

送趙味辛丈佐郡青州

卅年橐筆鳳池遊才換頭銜欲白頭詞客源應泝滄海酒  
人例合佐青州楊常舊草誰堪並富范遺蹤仔細求為郡  
漫誇五馬貴翺翔半刺足風流

秋風白下記論文伏櫪仍空冀北羣父執惟君年最少後

生似我媿無聞甲午秋試始識先生於秦淮旅次閱今二十八年對年亦四十有四矣鞭絲

驛路花爭發燭跋離筵酒易醺到處詩情皆吏治枯毫灑

遍海天雲

檀樽世子過訪次 家大人韻

飛蓋來從宣武門橋東問訊指桐孫唐時有桐樹韓家之目非關勝

賞花驄遠為愛深談木榻温士得定評聲價重詩裁偽體

卷六

二

典刑存請看荒徑蒿萊滿脫略渾忘胄子尊

喜顧南雅 表弟至

昔別正年少如何亦老蒼人傳收越石天不赦張湯歲戊午吳

縣某生以負布商通為縣令所趨南雅與同學者誦于上官左袒縣令衆益不平有南雅與同鄉諸生榜

掠之將抵以法會衆詔開釋南雅尋領庚申鄉薦而酷吏以他案事發論戍軍臺天道不爽士論快之氣與

諸生吐名先一第香舅家零落甚看汝決雲翔

題楊梅溪 一鴻 随安堂詩集後

力障百川東洋洋大國風目無四皇甫心折一空同幽薊

驅羸馬江湖挂短篷登臨多古意盡付錦囊中

馮艾圃 錫宸 謁選來京枉顧辱贈次韻酬之

掀髯一笑聳吟肩意氣公然敵少年滿縣種花如有待五

陵躍馬本無緣看山莫負他時約作吏誰云此事捐畢竟

戴星輪卧治智珠只自蕙心淵

艾圃改官郡博戲贈

鳴琴已分化絃歌不受牢籠奈爾何腰未折時先嬾散頭  
防打處好吟哦壘鹽儘殼先生饌供張寧來大吏訶我似  
蠶絲還自縛輸君吏隱碩人邁

錢次軒

村

侍御席上次杜深溪

羣玉

明府韻

回首河東舊日盟

戊戌歲會同譜十人于河東

會館今在京者祇四人耳

相逢忍負

酒三行樽前落落晨星似夢裏依依春草生洮隴音書勞

極目

久不得蔡小霞觀察書

湖山笠屐總關情

張月樵孝廉堅卧不出

只輸杜

老詩仍健出語常教一座驚

題綏山姪潞河秋泛圖

昔鼓珠江權今乘潞水船到家仍草草作客又年年託興

卷六

三

倪黃筆移情李郭仙何時同繫纜追步竹林賢

題蔣香杜騎牛吹笛圖

平明跨牛出郊坰任所之楊柳散緒風草露沾我衣爾牛  
知人意久謝鞭索施箕踞惟所適橫笛信口吹感時薄窳  
戚奏伎啞桓伊流泉激細石夕陽下前陂候門者何人車  
馬方爭馳

出都述懷四首

人苦不自知如器有大小三年嶺海遊殘夢醒還皎尚嫌  
投劾遲幸及收身早白雲認故巢三匝樂歸鳥自非外吏  
才甘守郎官老豈知轆轤索脫手重縈繞薦牘班同升  
御屏名特表繡衣一再著可似昔年好

恩命來九天寸心反如擣

聞閨開西園瞳瞳初日起跪捧謝表上踟躕天尺咫須臾

傳宣獨對綴班尾

帝曰咨汝對授汝岳常澧三州跨重湖得毋匿奸究虫虫  
昧禁令與水爭肥美堤圍辦官民或留而或毀頑苗况甫  
格狼性不可恃汝其往撫輯一張與一弛盡汝所職司庶  
無負任使餘復荷

垂詢家世及邑里免冠叩頭出怵惕顙有泚

恩私被

兩朝報稱將何以迴思十年前

策命猶在耳橋山淒風霜淚落不能止

上堂拜嚴父曰將事遠行父曰汝往哉之官有嚴程入室

卷六

四

拜兄嫂兄言聲淚并有孫忽已殤有子殘疾成弟抱伯道  
憂兄同子夏盲汝婦隨汝去吾奉父留京稍待秋氣涼扁  
舟潞河輕幼弟尚在抱呱呱若有情一家寄三地心似風  
中旌因念己酉冬父母迎羊城慈幃竟違養星霜忽十更  
有父不遑將伶仃又南征慎勿傷父意收汝淚縱橫

平生數知己詩酒日往還脫畧形跡外嘯傲容疎頑一朝  
忽告別愴惻慘朱顏笙歌雜肴核飲餞相追攀日下富詞  
翰贈言盈邱山頌多不忘規厚意未可刪笠雲朱山人老

畫史貌出車間關蘆溝踏曉月領取阿堵間殷勤謝故人

歡會招天慳惟應勞人夢夜夜點朝班

過定州清風明月店

清風明月店傳皆妓名

燕子樓空錦瑟愁往來幾度駐行驄清風明月從批抹忽

漫匆匆過定州

憇趙州金山寺茶亭

十載前停使者車今來重喫趙州茶征途閱歷此亭古塵  
劫消磨彼岸賒官柳兩行濃礙日木棉千頃潤含花勞生  
小憇炎涼判留鎮曾無玉帶誇

宵征

宵征為愛納微涼霧暗林深草露香半夜雞聲自荒遠下  
弦月色太微茫蘧蘧夢境醒還續歷歷郵籤短復長莫待  
三竿紅影下卹將隻手障驕陽

柏鄉道中

麥場築罷稻田分餅餌香風撲鼻聞一路鷓鴣啼不住半  
天雨脚半山雲

題圓津菴壁

飛簷臨孔道駐馬問圓津小坐啜苦茗偶然道意新亭臺  
有高致竹柏見天真幾輩前賢跡紗籠壁上塵

卹鄆呂翁祠

一枕當頭喝浮華借眼看有生皆蝶化何地不槐安祠屋  
三間古陂塘五月寒倘容吾獨寐儘覺碩人寬

同吳玉松

魏環極先生韻四首

終年孔席只常醒墨突何曾煮飯成都向夢中還說夢算  
來先覺讓盧生

青蘗境好怕逢醒五十功名意造成為問門前駟馬客黃

梁畢竟熟還生

蘧蘧未必獨吾醒已盡蠶絲縛又成苦為噉名心不死登瀛眼見兩先生

過去未來雜夢醒醒時因果夢時成現身說法無多語未卜他生況此生

### 磁州曉發

藕花香裡曉雞啼繞郭平田水浸堤可是江南瓜蔓月雨毛輕灑稻鉞齊

### 渡漳河雷雨大作止豐樂鎮

我行趙魏間漳水一衣帶泥深轍無常水去沙不汰中流忽迅駛隔岸悵杳藹蔚然雲張幄瞥爾風捲旆無底傾天盆有竅號地籟時見紫金蛇掉尾不在外招招賦印須人與鵝鴨類聚落露衡宇蔥籠列松檜破竈燒濕新空囊蒙微蓋課晴豈人謀賜休或天白嘉名稱豐樂飽飯便粗糲一笑謂妻女傳食不已泰

卷六

六

### 相州感賦

割竹剛三日停軺未浹旬已酉夏奉使留安陽數日奉觀察高廉之命吾家此故里先魏公故里再到有前因公子華林夜君王銅雀春祇今憑弔處風起鄴宮塵

### 湯陰謁岳忠武廟

天意誠難問長城壞不振主和緣固寵首惡坐忘親廟貌崇桑梓雲孫薦藻蘋祇應侍中血精爽結比鄰稭侍中祠亦在縣境

### 贈內

我生無憂賴賢婦中歲情懷若良友萬里奔波影伴身還將挈挈東南走黃塵赤日劇可憐膏沐不御蓬飛首兩羸

駝車敵不前一士執鞭從軌後千搖萬兀歷半途起常中  
夜止交酉昨者蹇驢忽一蹶公然脫輻謝羈紐鞭之不動  
號且僵篋倒囊傾面蒙垢今晨輿夫太鹵莽夜半爭先趨  
且負茫茫歧路渺不知問訊逢人空燥口黃昏旅店燈半  
明嚙語驚魂神不守百日勤動一日息暖湯剪紙更灑酒  
明朝約束魚貫行六轡如琴在我手嗟君生長紉綺間練  
帚竹筥從吾久征途况復閱艱險我實累君顏有忸志氣  
堅強鐵不如鬚眉巾幘真我偶

即事口占

兩餐而外更何忙得得途隨客夢長棚下茶瓜沿路喫馬  
前草露襲人香亂蛙蛙沸歡新雨深樹蟬鳴噪晚涼何似  
郎官當畫值簿書堆裏汗翻漿

簡何周溪同年

卷六

七

豈是耽高卧依依戀母慈斯人竟不出而我欲何之嬾作  
諸侯客常為弟子師偶然談國是時吐腹中奇

吳玉松王伯申兩太史典試黔中與余同行半月意  
甚得也六月初六日次新鄭縣明日兩公將西走襄  
陽予則東趨信陽臨歧賦此為別

叨奉清塵半月同燕南衛右鄭西東隨車一路蛟龍雨分  
手明朝牛馬風多士不愁聲教阻千山應許夢魂通歸來  
待看楓林晚泛蘭江醉碧筒

期于冬初  
澧浦相待

鮑道旁場院

喬木周遮百步場亂蟬聲裏午風涼竹牀攜女科頭坐紫  
李黃瓜自在嘗

六月初一日渡柴澤河止岡李鎮水漲不得行

誰謂河廣一葦杭波濤不興雲水黃渡河以南風雨作打頭撲面無遮藏樹影蒙密炊煙合土屋數家欣在望柳木之椅秫稽床此間何必非吾鄉晚來蟬螭巨天長烏雲接日日不光中宵忽聞龍戰野敲鏗羯鼓千仗強候吏為言漲陡發前村欲濟無舟梁天留使君非人當館人手進餅餌香溲沔之飯蕪羹粥人生此境要須嘗

初四日水退行四十里題鄭州館舍

急流陡報落尋餘官渡憑將楫載車覓路怕逢泥滑滑到州喜見屋渠渠蟲醒旅夢三更後燕認巢痕十載初十年使曾宿此館難得同年為地主殷勤延客意何如龔鶴鳴刺史予同年友也甚厚

陳文研齋

文

由岳常澧道遷粵臬入

卷六

八

覲六月九日遇予於臨潁驛館劇談終夕紀詩七百字君綰岳常符未踏岳常地六年總軍儲三楚聽指臂道逢新令尹大要言一二洞庭跨九州三面乃吾隸灘漲成膏腴長落無常勢由來免租賦獲有倍蓰利豪強肆并吞爭奪無寧歲甚或擅殺人賄庇飽胥吏欲清訟獄源先立長久計成賦則三壤規畫設何易非曰益賦歛為國除大弊又言古具區奸宄所潛闕嘯聚螺山巔邇來更無忌白晝行劫奪攘竊等兒戲德服仗忠信智取在果毅古稱懦生玩威克庶允濟我聞謹受教一一銘心識賤子昔使粵半年權廉使二年瓊海浮一年高涼莅民俗稍稍諳夷性不可制交趾跋扈臣爵土敢妄覲凌逼其君長歸命行譎秘

柔遠道羈縻天地大覆庇終然狼子心恃恩益驕恣陰為  
逋逃藪秦養羣醜類出胙商賈篋歸飽豺虎飼望洋如之  
何隱憂豈其細養癰遂至今誰寔偕之厲海濱斥鹵場私  
者十三四自從埠歸綱募丁各自衛商捕送之官官反縱  
令逝深愧為觀察所察果何事允宜投劾歸薄貶叵吏議  
君往陳時臬

簡畀由夙契老手便盤錯清風馳海滢胡然問於盲而徒  
亂人意

聖人於天下於物無所棄筐筥與瑚璉登明各成器小知  
與大受考鏡可歷試我如轅下駒君乃人中驥既受  
天子命亦各靖爾位方今

聖嗣

卷六

九

聖明達無壅蔽宵旰不敢康孜孜治求治亦越大小臣廉  
法交砥礪不應西南隅妖氛撲彌熾所到如蜂屯前驅掠  
老穉何常非赤子誰能辨涇渭朝秦暮忽楚擊首尾又曳  
萬山運斗粟十步一顛躓糧至兵已往兵在糧不至糧其  
來不來兵命如絲繫以我鴻雁饑飫彼鴟鴞鷺鷥歲耗內帑  
金虛牝枉投畀往者不可追來者將焉繼近聞捷屢報斬  
馘亦比比得非釜底魚游魂將自斃吉語聊慰藉毋然生  
泄泄兩省粵謂楚幸完善卒恐受人制借兵既不還截漕行  
告匱譬諸曲一肱四體為之痺補瘡劔新月月盡瘡愈痂  
豈曰守爾土供職但循例

聖心本鑑空時議漫鼎沸君今詣

闕廷側席明光遲何以寬

主憂可否資獻替山城下斜日驛館停遠轡促膝設深更  
感激各歎欵頽水向北流楚山渺南際此夕足可惜此會  
應須記明朝馬首分烟巒萬重閉

明港驛

雨歇淮南渡涼生楚尾天晚投明港驛水竹亦脩然村酒  
瀉黃葉黃葉酒以黃連  
葉炮燒酒為之野風開白蓮傳聞漲痕落朝涉不

須船

信陽遇雨忽憶伊墨卿秉綬戊午典試湘中道經此

地寄懷之什且以題子兄弟聽雨圖卷詞意悽惋撫

事感懷因追其韻

山行終日風吹雨霧樹煙篁暮城寄遠憶君懷友句對  
床觸我別兄情泥痕幾向翻亭印水派還從澗壑生此去

八卷六

十

楚江正綿淼瀟瀟愁聽打篷聲

疊前韻贈錢益齋俊刺史

終繹行厨僕屢更為君拚醉楚王城十年盤錯龔黃績三  
世交游孔李情不速客憐鴻爪似未經途怯馬蹄生望中  
郢樹千行直記取淮南夜雨聲

信陽南行

申陽城南行徑窄只見蹄痕無轍跡頻登疑有嶺千重屢  
渡不離溪一尺早稻翻翻隴覆雲飛泉活活巖懸帛沙石  
交錯武勝關水竹平分灌河驛黃牛時狎水牛羣里馬濫  
充官馬額誰家短垣疊石白占住檀欒萬竿碧甚欲去作  
眠雲客走馬匆匆殊可惜

彭家灣道中即目

夢疑常玉山頭過人在荆關畫裏行佳處徑須安一榻松  
毛亭子豆花棚

武勝關感賦

豫楚分界

關北中州關南楚從今十口寄南枝路多沙石馬蹄滑氣  
近江湖鵝舌知分鹿未知誰夢醒亡羊底事泣途歧荀香  
魚美生涯足天與吳儂位置宜

對月同內

與子客中同看月看他初上到將沉可知今夜高堂上南  
北兩翁一樣心

吾父在京外舅在家

應山旅館酬內

楚天水氣暗山城藉草眠雲夢不成攬枕飛蚊太無賴照  
人涼月自多情居然舉案如賓友頗許聯床若弟兄癡女  
不知身在客蒙頭裹踏到天明

發漢陽二首

扁舟落吾手

杜白

渺渺楚江空去國三千里浮家五兩風塵

勞謝郵吏水宿乞漁翁孤負南樓月誰人似庾公

扁舟落吾手聊此洗煩憂天借北風勁江生六月秋開颿  
河泊所改棹沔陽州

聞洞庭水漲改從河口趨荊州上游

浩蕩雲天濶心期

盟白鷗

沔陽道中

半日神仙半日狗

諺

風無順逆路逡巡黃蘆索索葉自雨

白鷺飛飛情近人野市煙浮苦竹活官塘水漲葡萄春誰

家松扉啟茅屋漁弟漁兄理釣綸

宿漢鎮店中暑蒸不可耐亟買舟移泊武昌留兩日

皆言盛夏洞庭湖漲溢不可行乃改道洑口泝江陵  
上游是晚轉北風黎明解維日行二百四十里至沙  
湖鎮紀詩五首即以扁舟落吾手五字為韻

信宿寸金地踟躕坐井天蚊市布雷鼓屠門薰腥羶不見  
大江面面風脩然誰云千間廣易我一葉扁  
故人雅愛我遮道相攀留誰能帶水間不一艤我舟飽食  
武昌魚清樽洗離愁三過不一登愧此黃鶴樓  
炎風湖水寬白日蛟龍惡荊州據上游天高漲痕落請君  
于二者夷險試一度殷勤謝長年一櫂全家託  
南風忽不競快轉奔檣烏盛夏僅見此毋乃天憐吾急流  
散鳧雁絕岸搖菰蘆日行二百四片帆收沙湖  
沙湖亦繁會漁戶十八九網收水上寮纜繫門前柳我醉

坐船頭兒童齊拍手笑問舟中人少住亦佳否

自沙湖至周支關江行雜書

周支關  
監利屬

昨夜風高三尺浪喧聒船頭響甕盎敲眠篷底呼不起指  
眼行過三十里兩岸魚鱗比茅屋不斷垂楊與脩竹盤盤  
路作象鼻彎漾漾水仍鴨頭綠平原緩鞚不著鞭忽然弩  
箭驟脫弦帆迴舵轉任自然白駒隙過蟻磨旋自我出門  
逢夏五車如炊甑舟如釜漸知火老候將衰差喜金柔氣  
如縷向晚江雲疊羅縠蘆葉蓼花風撼撼未秋三日作秋  
聲客裏何人不宋玉

漢江舟中立秋

六月二  
十九日

去國日長至忽焉戒素秋千山鳴一杵八口有孤舟雲獻  
楚天濶斗迴漢水悠年華一過半身世本浮漚

內子手剥蓮子搗鮮藕粉見餉戲酬二首

一房百子祝如斯，  
襖盡紅衣劈玉肌。  
留取么荷莫輕棄，  
芳心苦處兩相知。

玉節瓊漿手細磨，  
清香涼滑醒詩魔。  
正嫌心孔玲瓏甚，  
要似雞蘇一味和。

次荊州剪江行三十里收虎渡口阻風

岷江萬里來入楚，  
此其吮自古一重鎮。  
力爭不相讓，  
八口怯風濤。  
一舸導漢漾甘作羊腸行，  
苟免魚腹葬，  
豈知天塹長誰能插翅上。  
入眼章華臺行吟，  
但惆悵穿城渡沙市，  
臨江步履障軒然。  
動我前隻眼，  
始一放千櫓，  
揅青天雲擁朝日亮。  
倖借一剪風橫破三尺浪，  
入港未停午落帆，  
又轉向打頭猛逾顛，  
銜尾進遂妨挽牽，  
竟不前叢芮庶可傍來舟。

莫漫狂利鈍吾久忘

卷六

三

日真虎渡口阻風

消磨茶飯六時中，  
挂起篷牕水拍空。  
難得有官無印日，  
多情最是石尤風。

渡江後逆風行兩日，  
牽挽甚勞舟次公安四十里，  
暴風披雨幾瀕于危夜，  
半風定已轉北矣。

交秋三日苦炎熱，  
南風噓助杲日烈。  
日晡波平風轉絕，  
容與中流亦可悅。  
黑雲一片從西布，  
舟子謂言公無渡飛廉。  
無端改此度，  
凌厲萬象赫一怒。  
瓶盆傾翻鼓雷琅，  
天地黥慘無晶光。  
孤舟楸舞橫中央，  
大桅駕浪同低昂。  
挽牽終得傍彼岸，  
中夜餘瀾響猶悍。  
十分秋意行堪玩，  
擁絮高歌酣達旦。  
蛟龍勸汝莫作惡，  
天意于我殊不薄。  
北風兩日送旂

脚船頭望望澧州郭

初到澧州

平沙密菁路盤盤刺史郊迎父老歡七里城環煙市小九州湖潤水田寬庖丁迎刃知何處新婦作羹正自難我是農夫粗識字吏民莫作長官看

監試棘闈讀至公堂壁

高宗純皇帝御製四律恭和

奪錦穿楊及此辰周盧列屋護重闈官妝額半誇眉廣鼎實梅酸雜桂辛異日誰為天下士秋風我亦箇中人飲將墨水從來慣投筆于今十八春予自癸卯下第遂廢舉業今十八年矣

文章十丈接魁台杞梓蘭蓀蓋俊才割面可憐真領解戊午解元以割卷面進身端要慎初哉循墻肯放春光透掌簷

卷六

十四

須憑晝刻開但使免教魚目混此中自有夜珠來

健翮相期九萬搏輝煌

宸翰照江千寸心得失談何易五色迷離辨正難倘許管中窺伏豹儘容簾外置閒官無端見獵心生喜也自呶哦對燭殘

萍蓬宦海任飛沉燕幕依稀記越吟疎雨自催桐葉老空階還認草痕深一官落拓來湘浦雙鯉迢遙達桂林明遠

樓頭陳迹在漫天風雪故人心甲寅冬與清平階廉使對榻此堂記于風雪中明遠樓眺望為樂今予適襄事棘闈而平階開藩西粵撫念今昔不勝聚散之感云

次韻甘平川慶曾

明府八月廿四日登明遠樓二首

秋原雨過淨纖埃傑閣憑臨倦眼開萬瓦魚鱗憐矮屋九霄奎壁仰中台樓最上層供奉魁星沁迴颿影簷前墮嶽送鐘聲樹

杪來不待重陽從落帽茱萸欲把意遲徊

床聯鎖院夢魂通七載前曾雪印鴻甲寅冬在清平階幕中曾居停于此豈

意分符來楚尾依然寄跡此堂中羣公辛苦三條燭多士

扶搖九萬風樗散儘容吾坐嘯疎林忍負夕暉紅

拱辰井 并引

星沙試院東北隙地有井圍廣可丈餘深莫測底

父老云每科舉歲水輒清甘三場畢即渾不可食

若專以養士者旁有碑題曰拱辰前中丞馮公鈐

筆也豈以井在郡北隅故名歟

作人先井養王明斯受福占象拱北辰發源沂南嶽取供

五千士滂沛吐珠玉不食惻我心縱飲滿君腹時哉受以

節非其人不育似嫌汲多渾并戒出山濁多士盍鑒諸慎

勿波瀾作

五十發長沙

兩月留星沙監試事已畢聽鼓旅進退得毋我其蝨豈遂

竟無事歸歟計亦得久聞倉庾空已縱雀鼠逸迺于後來

者責以補瘡術防邊月轉輸恤鄰歲告糴譬如持漏卮而

欲飲不竭一朝遇凶荒何以禦奸黠凡百爾君子念此宜

戰慄顧復相欺蒙垂死猶諱疾幸辱大府命水清必見石

亡羊亟補牢因噎寧廢食及茲西成時願與父老說官民

本一體輸官即民活慎勿囿私家居奇貪厚值慎勿漏鄰

境弗念爾井邑更欲告同僚慎勿踵覆轍慎勿假猾吏高

下意出入慎勿欺蚩氓升斗恣狼藉截流而濬源補救或

萬一凡今事多端莫此事為急做裝不崇朝出郭日未晷

憂心方如焚行行遑敢息

雨中次橋頭驛

匝月秋霖未肯和歸期無奈白雲多橋頭風急飛紅葉屐齒痕深點綠莎桑落曾無新釀酒農忙猶有未登禾可堪旅館寒如水又聽蕭蕭暮雨歌

歸義驛喜晴曉發

風力夜來勁晴暉忽眼前晨禽生客喜晚稻得天憐山色淨如洗草光煖欲烟衝泥馬足健我僕亦欣然

湘陰

惺忪雲雨楚天愁路入湘陰境轉幽竹簷斜穿烟外樹松棚低架水邊樓乍經霜葉紅連岸不斷江流碧占秋為怕泥塗行逕滑又停襪被此勾留

卷六

十一

青岡驛次亡友吳少甫吏部

樹萱

壁間韻并引

少甫詩為戊午典試粵西過此作旁有錢太史

福

昨伊比部

秉綬

題筆誌年月甚詳蓋兩君亦于是

歲主楚南試距今已三易寒暑而少甫下世又一年餘矣挑燈細讀惋悼久之因追步其韻以志人琴之感云

當年題壁人何在零落殘縑澁蘇紋忽忽音塵成宿草依態度尚春雲到門幾輩留泥爪彈指三年過隙矚擬賦招魂續楚些碧天無那雁行分

巴陵長湖村謁南雷二將軍廟

雷將軍被六矢南將軍斷一指城頭屹立身若山座上淋漓血盈几睢陽門下兩男兒毅魄忠肝汗青史巴子國據

東南夷洞庭連天接九疑地去睢陽奚啻千餘里姓氏爵  
邑非所私云何建廟傍湖渚歲時伏臘走村兒乃知死忠  
死孝至性在天壤頑廉懦立不以遐荒遺我來瞻拜獨憑  
弔饑饉竄空山鬼嘯循牆剔蘚讀殘碑紹聖年間曾奉詔  
迄明未造基僅存村落險遭賊火燎豈知精爽千秋實式  
憑鐵馬雲車儼來到重新廟貌垂至今不斷鼎爐香火耀  
嗚呼將軍生落豬龍魂死後宜令狐兔奔年年擊鼓烹雞  
豚神兮福我永保千家村

雨中登岳陽樓次壁間吳少甫韻

烟雨空濛客滯留七年三上岳陽樓風波如此行不得羨  
煞天邊萬里鷗

舟發安鄉

卷六

七

纜牽逆流水人坐倒行船楚人謂之倒扒子樹影團荒渚湖光淡

遠天銀魚爭上市安鄉產銀魚甚夥蒼麥未收田願得晴常放西

成候不愆

武陵道中

綫路秋塍細藍輿兀兀中霜曾幾夜白葉已半山紅野水  
漲前渡疎林歇晚風仙源仿佛是端欲問漁翁

次韻內簾監試元丈克中重宴鹿鳴四首

湘南多士會風雲大老曾空冀六羣六十年前同蒞榜二

千石更領文軍記從選佛場參座未許香山社結欣要與

王黃成鼎峙王文恭相國黃崑圃侍郎皆重與斯宴兩朝盛事又添君

鷓班先後謁

楓宸先生去年入覲楚水分符守臣乍見魯山真矍鑠益知

宗武遜風神再披桂籍聯仙侶重向蓮花現法身金管瓊  
簫天上樂萬人齊挹使君吟

領郡勛高海內誇一麾况復近周嘉漢周嘉舉孝廉為零陵太守多惠政  
辛詞翰微風氣週甲科名應歲差先生明閩嶠賢勞留石

碣雲間父老想車牙回思竹馬兒嬉日何幸同乘八月槎  
連翩臣雁與鴻賓鳩杖筵前藹若春太華從來借少華析

薪早自見傳薪哲嗣已高捷簪花屈指誰同輩仕版隨肩有幾  
人一語寄公公樂甚文章報國受

恩頻

過澧陽書院偕陳萃亭山長開經訪范文正公墨池

講堂花木城西隅入門茶語逢詩癯相將把臂入林去名

曰訪古實自娛仙洲唐李羣玉讀書處車渚晉車武子讀書處

卷六

十八

莫到墨池跬步途非迂云昔范公少且孤窮居荒遠隨母

朱讀書十年為世用遺此一掬迷榛蕪先憂後樂志天下

豈必弄墨衫袖烏波瀾學海分杯水盈科而進皆吾徒尋

源要資活水活利濟免辱愚溪愚安知中無蛟龍種咄嗟

變化風雲俱墨池何必非江湖

來鶴軒并引

常德郡署東偏小池相傳古時有芒履遺池中忽

化鶴飛去前太守陳公二辰作軒于其上名曰來

鶴嘉慶辛酉冬十二月余因公至常信宿軒中半

月池水盡涸仙蹤杳然戲作此詩贈孫鏡湖太守

人生當著屐幾兩帶水拖泥等尺蠖不如游戲無何鄉鳥

可成鳧履化鶴三公軒冕履屣論萬古雲霄羽毛託吾聞

德政致神異浦或還珠海走鱷清廉太守世所稀一萬十年還再著

鏡湖自言嘗著葛池十餘年不

見鶴兮鶴兮胡不歸歸看人民

與城郭但恐兼無俸可分更愁將與琴俱灼祇餘破塊黏枯萍空佇孤雲倚寥廓我來信宿信有緣鴻爪雪泥挂行脚昨宵幽夢繞清池仿佛橫空來一掠

### 寄題顧南雅表弟從遊赤壁圖

我昔倚棹黃州過輕颿一瞬去若梭亭亭赤鼻眼中在神仙風月空吁哦

余于乙卯春下長江經黃州赤鼻山下以風利不得泊賦詩有風月自神仙之句赤壁水經謂之赤鼻

豪士胸中富邱壑豈必登臨越巘嶸夢遊天姥圖滄洲布鞵青鞋囿所託君能未到說黃州平生所願從坡遊從坡公遊作坡客潘古郭生豈其儔當時二客頗豪縱清遊兩度杯酒共惜哉臨險竟不登空使後人恣嘲諷

卷六

九

奇情曠代補遺恨兩脚肯教甘困頓贈杖不勞柳真齡載書倘許王齊萬我愛聽兩眠對牀與君一辦盟心香蘇程異姓亦同氣何當大被逍遙堂

余舊有聽雨圖仿坡公兄弟會宿逍遙堂意亦見平生仰止與君無二

### 次韻寄酬伊墨卿太守

折梅猶有使載石并無船相賞自同調相思仍各天春衣荔子實夜雨梳榔煙欲采幽蘭贈茫茫碧海壖

壬戌

### 二月初十日奉檄調省發澧陽作

臘盡歸來恰四旬銜齋容易著閒身穩騎傳馬夜知道孰見沙鷗眠近人弱柳自搖共以外小桃一笑澗之濱不因火急傳飛檄郵識郊原浩淼春

花朝白沙塘作

天涯令節去堂堂昨歲茲三醉

帝鄉去歲花朝同  
人讌集藹園如海春光太孤負百花生日白沙塘

龍陽道中

桃花行盡菜花齊暖日和風到一犁  
豌豆殘蝴蝶亂杜鵑開  
遍子規啼輪官刺有新登穀捍水猶多未築堤回首蛟龍乘近郭幾回憑軾問灾黎

去夏武龍二屬被水決堤奏准興築

題家研莊兄歸去圖

并引

嘉慶辛酉九月既望研莊三兄訪余星沙寓館述  
乾隆壬午癸未間讀書雲竇山房時事歷歷如昨  
蓋是時兄方十六七余纔五六齡耳兄以小試不  
利尋棄儒遊楚之昭潭因家焉音問濶絕且四十

卷六

十一

年挑燈話舊恍若隔世歎歎而別越明年予因公  
至省兄復來會乃出所圖歸去來小影索題兄家  
故在靈巖之麓今伯兄自芴九弟建南依然屋列  
東西圖中命意知未嘗一日忘釣遊也

憶從四十年前別弟尚孩提兄少年忽漫相逢偏異地乍  
欣得見已華顛無端婚宦逼人老若個鄉園不夢牽見說  
靈巖山下宅小橋野水抹寒煙

題研莊兄柳陰垂釣圖二首

拍岸春波蘸綠楊一竿終日坐相忘淮陰風浪相廬月得  
失憑君細較量

卅年穩泛洞庭艤鄉信憑將尺鯉雙青箬綠蓑隨處好胥  
江畢竟勝湘江

五月二十六日卸臬笑後戲作

喜及瓜期得替更簿書卸却一身輕三州還佩監司印五日羞稱京兆名有分平反心向爾無才鍛鍊獄難成從今接武鸞鸞後只辦隨人諾諾聲

再生日 并引

庚戌六月二十四日夜泊舟廣州城外海珠寺下昏黑中失足墮海初自不知也已沒頂矣手若有所持力攀援得上家人慶更生焉每歲此辰必置酒為壽今逾一紀適因公滯留星沙客邸中幾忘今夕何夕矣從姪維善再拜稱壽乃憬然有悟而作是詩

自古皆有死彭聃猶殤子方其墮地時早悟涅槃旨况我於天下九牛一毛耳已拚魚腹葬忽若蟬蛻徙居然入不濡不信中有恃家人強立名謂我重生始年年樂此辰置酒稱燕喜荏苒十二年頭顱復如此今年幸忘懷客俎沒如水好事有仲容再拜賀餘齒昏然醉夢中棒喝顏有泚須知平地上冰淵日臨履未敢問死法還恐昧生理

立秋後三日登鐵佛寺面嶽亭次壁間秦小峴瀛廉訪韻

湘春門外颺旛幢竹木蕭疎隱石砭草合空亭青面嶽天浮遠樹綠拖江九年浪跡同盤磨

自甲寅歲登此亭至今閱九年矣

三日

秋光恰透牕最羨梁溪歸櫂穩鄉心不耐午鐘撞

時小峴已引疾

病間

之病間殊不惡請急不須遲門息非貪睡減餐是善醫偶摹  
爭坐藁自改紀行詩莫問門前客幾番車馬馳

病中通方伯恩見餉老叟米賦謝

廿年竊祿京華春取禾奚啻三百困千艘聯翩長河道萬  
箱櫛比潞水濱九年耕有三年芟年年堆積陳陳因盡蒸  
雲子化金粟中央正色還天真自從南來富魚米長腰屨  
薦三時新玉粳厭飫食常減腐儒腸胃非所親昨者河魚  
致腹疾雖食不咽空沾脣何來指困救公瑾朱盤滿貯金  
精醇浮浮鋪甌菊英細燦燦堆椀槐芽勻一餐兩餐病若  
失頓令臟腑回元神今年三戶方夏旱早禾一半成束薪  
全疆萬口仰牧伯精誠默感天心仁三日步禱十日雨中  
晚喜及秋原屯論說黃白不已泰要念粒粒皆苦辛公廚

鴉鷺有餘食食惟半菽哀蒸民

卷六

五

澧陽山長陳蘭莊圭文錦鄧肇祥

兩學博向明經盛

世以和余墨池詩見寄復疊前韻寄酬

蘭莊講學蘭江隅道味腴美詩清癯我交以神不以面札  
翰往復相嬉娛墨池偶灑數行墨習氣未改經生迂心儀  
范公德不孤相業豈在紆紫朱後人鑑此一泓水忍令遺  
躅埋煙蕪忽承瓊瑤報桃李如聞鳴鳳驚號鳥屬而和者  
兩學博明經亦是澹宕徒雕蟲卜枝亦有道金針端賴砥  
頑愚斐然成章二三子一尊細論恨莫俱秋風木落愁重

湖

譚七鐵喬光祐

去秋被放遊長沙鬱鬱而別今從豫

章將入都以詩見寄次韻柬答

萍蓬踪跡醉為家一笑相三鬢欲華未了十年京洛夢虛  
隨八月洞庭槎罡風久斷踰鵬路大雅今荒屈宋銜剩有  
清篇渾漫與開械新濕字橫科

題劉瑩軒黔苗圖冊

墨妙非非想神遊棘道西何年手鑄鼎有客慣然犀夜雨  
喧銅鼓蠻雲擁碧雞分明圖職貢柱史費參稽

送李春堂

高翔

司馬還蜀二首

無端解組去悠哉路指楓林灑灑堆勇退獨能先一著倦  
飛容易得輕回還津劍有如虹氣依岫雲曾作雨來我悔  
蓴鱸負前約湘波別恨浩難裁

蘭江桂檝共經年坐嘯容余嬾散便磨盾舊飛檠瓠檝鳴  
琴幾試武城弦甘棠羨舍垂陰遍廉石輕航壓載偏况說  
蠶叢妖鳥盡此行真是上青天

卷六

三

題蘭江錢別圖

圖為妻弟顧梧亭自澧州歸吳倩顧茵橋姊婿作  
時子因公滯留星沙不得面別題圖四首

星沙迢隔悵離羣未及臨歧一餞君自是趨庭心更急天  
涯忍把雁行分

人家隔岸曉煙含天際層層露遠嵐只恐霜飛寒信早心  
隨歸棹到江南

三疊歌殘別思生碧天無限啼山晴那能楊柳絲絲結  
住行舟不放行

蒲帆風滿去難留秋霽蘭江翠欲流多事虎頭工潑墨生  
綃一幅畫離愁

嘉慶辛酉冬月周聽奚吏部自黔中視學任滿還京  
遇予於澧州道上各出詩稿互易讀之越明年聽雲  
囑朱野雲山人寫聯躡換讀圖并寄詩八章書生結  
習可發一哂次韻答之

十萬羣山網俊才  
奇情健筆兩恣哉  
釣竿試向滄洲把  
小往居然卜大來

樂府重翻調  
八章詞壇赤幟又先張  
何當月落瀟湘夜  
一朶飛來捧日祥

混俗誰知骨是仙  
焚琴煮鶴儘稱賢  
文章吏術設何易  
聊結三生翰墨緣

郵亭古渡夕陽微  
情景無殊心事違  
他日秋鴻來有信  
印泥指爪未全非

卷六

五

同賦皇華驛騎聯  
澧陽風景故依然  
莫道歸裝無長物  
一囊新句要人肩

情深却悔訂交遲  
消遣征程賴有詩  
我似山陰鷺換字  
嗜痂畢竟笑羲之

橫街畫史墨妙傳  
南院郎官藜夜然  
相對定知清似鶴  
憑人喚佛喚神僊

望雲嘗自誇無酒學佛有酒學仙

北望長安憶故人  
新詩讀罷見交真  
披圖無限苔岑感  
宣武坊南待卜鄰

10936

